


YIHOOWA KAWOTETTA ERISSIYA  
**WOCHIYO KEELAA**



## MAZAMURE 128

Wurssettaa Gakkanaashin  
Gencciyoogaa

### HA XINAATIYAN

Nuuni ay keena wodiya Yihoo-wayyo haggazikkonne, kaseegaappe aaruwan wozannaamanne ayyo loytti goynniyaageeta gididi de'anawu koyoos. Kiitettida PHawuloosi ba mala Kiristtaaneti hegaadan oottiyoogaa aggennaan minntettiis! Piliphphisiyuusan de'iya Kiristtaanetussi I xaafido dabddaabbiyaa nuuni nabbabiyo wode, de'uwawu woxxiyo wottan gencছিိ woxxanaadan nuna minttettees. PHawuloosi yootidobaa waati oosuwan peeshshanaakko ha huuphe yohoy nuussi qonccissana.

## “Nuuni Salettokko”!

“Hegaa gishshau, nuuni salettokko.”—2 QOR. 4:16.

KIRISTTAANETI de'uwaa wottaa woxxiiddi de'oosona. Nuuni wottaa biron doommidaageeta gidin woy daro layttawu woxxiidaageeta gidin, wurssana gakkanawu aggenan woxxana koshshees. Kiitettida PHawuloosi Piliphphisiyuusa Kiristtaanetuuyo immido zoree, woxxiyo wottaa wurssanaadan nuna minttettees. Piliphphisiyuusa gubaa'ayan de'iya amaridaageeti PHawuloosi kiittido dabddaabee eta gakkiyo wode, daro layttawu Yihoowawu haggazidosona. Eti ammanettidi Yihoowayyo haggaziiddi de'oosona; shin aggenan gencছিိ woxxana koshshiyoo-gaa PHawuloosi eta hassayissiis. Eti A leemisuwaa ubbatoo kaalliyoo-gan 'gakkanasawu horddofanaadan' woy baaxetanaadan I koyiis. —Pili. 3:14.

<sup>2</sup> PHawuloosi Piliphphisiyuusan de'iya Kiristtaaneta zoridoy koshshiya wodiyaana. Piliphphisiyuusan de'iya asay gubaa'ee eqqosaappe doommidi ishannta yedettiis. PHawuloosinne Sillaasi 50 M.Ln, 'Maqidooniya pinnanaadan' Xoossay shoobbin azazetidosona. Hegaa gishshawu, mishiraachchuwaa sabbakanawu eti Piliphphisiyuusa biidosona. (Oos. 16:9) Mishiraachchuwaa “siyana mala Xoossai i wozanaa” dooyido, Lidiyo giyo issi maccaaseera eti yan gayttidosona. (Oos. 16:14) I keettan de'iyaa-geeti ubbay iira issippe sohuwaara xammaqettidosona. SHin, Dabloosi eta bolli metuwaa gattiyoogaa sohuwaara doommiis. Katamaa asay PHawuloosanne Sillaasa daannatu sintti goochchidi efiis; qassi wayssidoosona giidi wordduwan mootidosona. Hegaappe denddidaagan, PHawuloosanne Sillaasa shocidosona, qasho keettan yeggidosonanne guyyeppe katamappe kiyanaadan azazidosona. (Oos. 16:16-40) Eti hidootaa qanxxidonaa? CHIikka! Mati eqqida gubaa'ayan de'iya ishanntinne michchontti shin waanidonaa? Etikka gencছিိ gishshawu, lo'o leemiso gidi-

1. Kiristtaaneti de'uwaa wottaa wurssanawu ay oottana bessii?

2. PHawuloosi Piliphphisiyuusan de'iya Kiristtaaneta zoridoy koshshiya wodiyaana giyoy aybissee?

dosona! PHawuloosinne Sillaasi etawu lo'oleemiso gididoogan eti keehi minettidoogee qoncce.

<sup>3</sup> PHawuloosi gencanawu murttiis. (2 Qor. 4:16) SHin, I hayqqana gakkanawu ammanetidi Yihoowayyo aggennan haggaaazanawu, ba halchchuwaa polanaagaa xallaa qoppa koshshiyogaa akeekiis. Nuuni PHawuloosa leemisuwaa ay tamarana danddayiyoo? Ha wodiyan de'iya asatu hanotan nuuni metoy gakkishinka gencana danddayiyogaa bessiyabay aybee? Qassi sinttanaa hidootay nuuni salletnann yaa murttanaadan waati maaddana danddayii?

#### PHAWULOOSA LEEMISUWAA KAALLIYOOGEE NUNA WAATI MAADDII?

<sup>4</sup> PHawuloosi Piliphphisiyuusan de'iya Kiristaanetussi xaafido wode, I oottiiddi de'iyobbabaa qoppa. I Roomen issi keettan qashetti uttiis. I sabbakanawu kiyana danddayeenana. Gidikkonne, A oychchanawu yiyaageetussi markkatiyoogaanne haahuwan de'iya guba'etussi dabddaabbiyaa xaafiyooagan oosoy daridoogaa gididi de'iis. Ha wodiyanikka hegaadan, sooppe kiyana danddayenna daro Kiristaaneti bantta soo yiyaageetussi mishiraachchuwaa yootanawu banttawu danddayettida ubbabaa oottoosona. Qassi eti demmana danddayennaageetussi minttettiya dabddaabbiyaa xaafosona.

<sup>5</sup> PHawuloosi kase oottido lo'obay woy iitabay A qofay Yihoowa haggaaazuwaa sher'i gaanaadan oottibeenna. I "sinttan de'iyagaa" oyqqanawu woy wottaa wurssanawu "guyyeera de'iyagaa" dogi agkana koshshiyogaa yootiis.

3. PHawuloosi ay akeekidee, qassi nuuni xanna'ana oyshati awugeetee?

4. PHawuloosa bolli gakkidabay ayba gidikkonne, I Yihoowa oosoy daridoogaa gididi waani de'idee?

5. Piliphphisiyuusa 3:12-14n PHawuloosi yootidoogaadan, I aggennan Yihoowawu haggaazanaadan maaddiday aybee?

**(Piliphphisiyuusa 3:12-14 nabbaba.)** PHawuloosa qofay shaahettanaadan oottana danddayiya amaridabati aybee? Koyroogee, PHawuloosi Kiristaane gidanaappe kase, keehi injjetido asa. Gidikkonne, I heгаа "wora olidobaadan" qoodiis. (Pili. 3:3-9) Naa'anttoogee, I Kiristaaneta yedettidoogan bana mooranchchadan qoppiyaakkonne, hegee I Yihoowawu haggaa-ziyogaa digganaadan oottibeenna. Heezanttoogee, taani Yihoowawu oottidobay gidana giidi I qoppibeenna. PHawuloosi qashettidaba, shocettidaba, shuchchan cadettidaba, abban markkabee me'idaba, namisettidabanne kallottidaba gidikkonne haggaaazuwan darobaa oottiis. (2 Qor. 11:23-27) SHin, PHawuloosi ay oottidabanne tuggatidaba gidikkonne, I aggennan Yihoowawu haggaazana koshshiyogaa eriiis. Nuunikka hegaadan oottana bessees.

<sup>6</sup> Nuuni 'guyyeera de'iyagaa dogi aggiyooagan' PHawuloosa leemisuwaa waati kaallana danddayiyoo? Nuuppe issoti issoti kase oottido nagaraa gaasuwan nuna mooranchchadan xeelliyogaa agganawu baaxetiyoogee koshshennan aggenna. Ne hanotay heгаа mala gidikko, Kiristtoosa wozuwaa yarshshuwaabaa xanna'a. He minttettiya qofaa xanna'ikko, wotti dentti qoppikko, qassi woossikko, koshshennan nuna mooranchchadan xeelliyogaa agkana danddayoos. Yihooway atto giichchido nagarawu nurkka nuna qaxxayiyogaa agkana danddayoos. Nuuni PHawuloosappe tamarana danddayiyo harabaa qoppa. Issoti issoti Yihoowayyo kaseegaappe aaruwan oottanawu, banttana dureyana danddayiya oosuwaa aggennan waayi agkana. Yaatikko, nuuni demmana danddayiiddi aggidobaa amottiyoogaa aggikko, guyyeera de'iyabaa dogoos. (Qoo. 11:4-6; Era. 7:10) Nuuni Yihoowawu oottidobati woy kase gencido metotikka 'guyyeera de'iyabata.' Yihooway nuna kase

6. Nuuni dogana koshshiyoo 'guyyeera de'iya' amaridabati aybee?



De'uwaa wottan, nu qofay shaahettennaadan naagettanne ubbatoo nu halchchuwaa xallaa qoppana bessees (Mentto 7 xeella)

ay keena maaddidaakko qoppiyo wode, nuuni kaseegaappe aaruwan nu Aawaakko shiiqana danddayoos. SHin, nuuni Yihoowawu ootidobay gidana giidi mule qoppana koyokko. —1 Qor. 15:58.

<sup>7</sup> ‘Olettanaadan’ woy baaxetanaadan Yesuusi yootidoogaa PHawuloosi loyyti akeekiis. (Luq. 13:23, 24) Yesuusaagaadan, ba de'o wode ubban minni oottana bessiyoogaa PHawuloosi eriiis. Hegaa gishshawu, I Kiristaanetu de'u-waa wottaara geeddarssiis. **(1 Qoronttoosa 9: 24-27 nabbaba.)** Issi wottanchchay ba wottaa wurssanaagaa xallaa qoppees; qassi haraban qofay shaahettanaadan oottenna. Leemisuwawu, woxxiya uri suuqetinne qofay shaahettanaadan oottiya harabati de'iyi ogiyaara woxxana danddayees. Issi wottanchchay suuqiyan de'iyaabaa be'anawu eqqees gaada qoppay? I xoonana koyikko hegaadan oottenna. Nuunika de'uwaa wottan, nu qofay shaahettanaadan oottiyaabatuppe naagettana koshshees. Nuuni PHawuloosi oottidoogaadan ubbatoo nu gak-

7. Koyro Qoronttoosa 9:24-27y yootiyogaadan, de'u-waa wottan xoonanawu koshshiyaabay aybee? Leemisuwaa yoota.

kanaassa qoppikko, qassi minnidi Yihoowawu haggazikko, woytuwaa demmana!

#### METIYAABATI DE'ISHINKKA AGGENAN YIHOOWAWU WAATI HAGGAZANA DANDDAYIYOO?

<sup>8</sup> Nuuni hidootaa qanxxanaadan oottana danddayiya heezzu metota ane be'oos. Koyro metoy issibay nu naagido wodiyan polettennan aggiyoogaa. Naa'anttoogee, nu cimiyo wode wolqqi xayiyooogaa. Heezzanttoogee, aggenaa metoy gakkiiyoogaa. Harati he metota waati gencidaakko tamaariyoogan goettana danddayoos. —Pili. 3:17.

<sup>9</sup> **Issibay nu naagido wodiyan polettennan aggiyoogaa.** Nuuni Yihooway qaalaa gelido lo'obata demmanawu hidootiyooogee wottin de'iyaaba. Yihooway kiittin hananabaa yootiya Imbbaaqoomi Yihudan de'iya iitabaa Yihooway xayssanaadan I keehi koyiyooogaa yootin, Yihooway A, “naaga” yaagiis. (Imb. 2:3) SHin, nuuni naagidobay sohuwara polettana xayik-

8. Nuuni be'ana heezzu metoti aybee?

9. Issibay nu naagido wodiyan polettennan aggiyoogee nuna waati qohana danddayii?



ko, minnidi haggaaziyoogaa aggana dandda-yoos. Ubba qassi hidootaa qanxxana dandda-yoos. (Lee. 13:12) Amarida ishantti 1914 heeran hegaadan hanidosona. He wode, tiyettida daro Kiristtaaneti 1914n saluwaa baana giidi naagidosona. Eti naagidobay polettennan attido wode, ammanettidaageeti waanidona?

<sup>10</sup> Hegaa malabay gakkinn azzaniyoogaa aggida ammanettida naa'u Kiristtaanetu hanotaa qoppa. Ishaa Royal Ispasi 1908n, layttay awu 20 gidiyo wode xammaqettiis. I mata wode saluwaa baanaagaa ammanettiis. Hegaa gishshawu, 1911n I Peerlo giyo michchiyo ekkanawu oy-chchido wode, O hagaadan giis: "Neeni 1914n aybi hananaakko eraasa. Nuuni aqo oyqqanawu koyikko, heгаа sohuwaara poliyoogee lo'o!" Ha Kiristtaane aqo laggeti 1914n saluwaa bi-beenna gishshawu, de'uwaa wottaa woxxiyoogaa aggidona? CHIikka, ayssi giikko, eti saluwaa biyoogan giddennan, ammanettidi Yihoowawu haggaaziyoogan xeelaa wottidosona. Eti wottaa gencidi woxxanawu murttidosona. Royalinne Peerla hayqqana gakkanaashin, daro layttawu minnidinne ammanettidi haggaazidosona. Yihoowa suntaa mooriyaabay xayin, A haaroy suure gidiyoogee qonccin, qassi I gelido qaalay ubbay polettin neeni be'anawu laamotiyoogee qoncce. Yihooway ba keerido wodiyan hegeeta polanaagaa neeni ammanettana danddayaasa. Hegaa gakkanaashin, nu naagidobay polettennan aggin hidootaa qanxxiyoogaappe, ubbatoo Xoossawu haggaaziyoogan oosoy daridoogeeta gidoos.

<sup>11</sup> **Cimiyo wode wolqqi xayiyooгаа.** Wottaa woxxanawu issi wottanchchaassi daro wolqqay koshshees. SHin, neeni kaseegaappe aaruwan Yihoowa ammananawunne minnada ayyo hag-

10. Issi azinayenne machchiyaa eti naagidobay polettennan gam'in waanidona?

11-12. Nuuni kaseegaadan mino gidana xayikkonne, ubbatoo Yihoowayyoo ammanettidi haggaazana danddayoy aybissee? Leemisuwaa yoota.

gaaanawu asatettan keehi mino gidana koshshenna. Asatettan darin mino gidennaageeti ha'ikka Yihoowawu immanawu banttawu danddayettida ubbabaa oottanawu koyoosona. (2 Qor. 4:16) Leemisuwawu, Ishaa Arter Iskorddawu layttay 88, I 55 layttawu Beeteelen oottiis. Awu ha'i wolqqi baawa, qassi A sakkees. Issi gallassi issi narssiyaa ayyo koshshiyaaban maadanawu A algгаа mati shiiqaasu. Yaadata A xeellaydda hagaadan gaasu: "Ishaa Iskorddaa, neeni Yihoowayyoo loytta oottadasa." SHin I, kase oottidobaa bolli xeelaa wottibeenna. O xeelliiddi pashkki giidi hagaadan giis: "Ee hegee tuma. Shin keehi koshshiyaabay nuuni oottidobaa gidenna. Hegaappe aaruwan koshshiyaabay nuuni ha'i ammanettidi de'iyooгаа."

<sup>12</sup> Neeni Yihoowawu daro layttawu haggaa-zennan aggakka, qassi neeni ha'i sakettiyoogee kaseegaadan oottennaadan diggana danddayees. Yaatikko, azzanoppa. Neeni kase ammanettada haggaazidoogaa Yihooway



Royal Ispasinne A machchiyaa Peerla 1914n naagidobay polettin be'ibookkona, shin eti daro layttawu ammanettidi Yihoowawu haggaazidosona (Mentto 10 xeella)



Arter Iskorddi  
(haddirssa bagga gaxan)  
ceeggikkokka, Yihoowawu  
oottanawu bawu  
danddayettida ubbabaa  
oottanawu koyiis. Anatol  
Melnikinne A machchiyaa  
Liidiyaa daro metoy  
de'ishinkka ammanettidi  
genccidosona  
(Mentto 11, 13 xeella)

hassayiyoogaanne nashshiyooгаа ammanetta-  
na danddayaasa. (Ibr. 6:10) Hegaa bollikka,  
nuuni Yihoowa wozanappe siiqiyoogaa bessi-  
yaabay ayyo daro oottiyoogaa gidennaagaa has-  
saya. Nuuni lo'obaa qoppiyo wodenne nuussi  
danddayettida ubbabaa oottiyo wode, Yiho-  
wa wozanappe siiqiyoogaa bessoos. (Qol. 3:23)  
Nuussi danddayettennabaa Yihooway akeekes,  
qassi nuuyyo danddayettiyaagaappe aaruwaa  
oottanaadan koyenna.—Mar. 12:43, 44.

<sup>13</sup> **Aggenna metoy gakkiiyoogaa.** Issi issi Yi-  
hoowa ashkkarati metoyinne yedetay banttana  
gakkishin daro layttawu genccidosona. Leemi-  
suwawu, Anatoli Melnikesawu\* layttay biron 12  
gidiyo wode, A aaway oyqettidi qashettiis; qassi  
Moldova biittan de'iya eta sooppe 7,000 kilo  
meetiriyaappe daruwaa haakkidi de'iya Saybee-  
riyaa A yeddidosona. Qassi issi layttappe guyyi-  
yan, Anatola, A aayyiyo, qassi A aayyee aay-  
yiyo Saybeeriya yeddidosona. Guyyeppe eti  
harasan de'iya qeeri kataman shiiquwaa shiiqana  
danddayidosona; shin yaa baanawu keehi meeg-  
gishin 30 kilo meetiriya hemettoosona. Guy-  
yeppe, Isha Anatoli ba machchee Liideppen-

\* Isha Anatoli Melnika de'uwan hanidabaa, Xiqimitaa 22, 2004,  
*Beegottite! maxeetiyan* (Inggilizettuwa) "Xoossaa Siiqanaa-  
dan Naatettaappe Doommada Tamaaraas" giyaagan xeella.

13. Anatolanne Lidee bolli gakkidabay aybee, qassi kase  
daro metoy gakkikkonne aggennan Yihoowawu haggaa-  
zanaadan hegee nuna waati minttettii?

ne issi laytta gidido bantta na'eepe shaahettidi  
heezzu layttaa qashettiis. Daro layttawu metoo-  
tikkonne, Anatolinne A soo asay ammanetti-  
di Yihoowawu haggaziyoogaa aggibookkona.  
Ha'i Anatolawu layttay 82, I Giddo Isiyana Maca-  
ra Biiruwaa Konttiyaa yara gididi haggaaees.  
Anatolanne Liidee leemisuwaa kaallidi, kasee-  
gadanka ubbatoo genciiyoogan Yihoowawu  
haggaziyoogan nuussi danddayettida ubbabaa  
oottoos.—Gal. 6:9.

#### SINTTANAA HIDOOTAA UBBATOO QOPPA

<sup>14</sup> PHawuloosi wottaa wurssanaagaanne hal-  
chchidosaa gakkanaagaa ammanettiis. I tiyetti-  
da Kiristtaane gidiyo gishshawu, "Xoossai bolla  
de7uwau xeesiyo woiuwaa ekkana" hidootiis.  
SHin, he halchchuwaa polanawu ubbatoo 'hor-  
ddofana' woy baaxetana koshshiyooгаа I akee-  
kiis. (Pili. 3:14) Piliphphisiyuusa Kiristtaane-  
ti ubbatoo bantta halchchuwaa qoppaanaan  
maaddanawu PHawuloosi lo'o leemisuwaa go'e-  
ttiis.

<sup>15</sup> PHawuloosi Piliphphisiyuusa Kiristtaaneti  
wurssettan saluwan de'anaagaa eta hassayissiis.  
(Pili. 3:20) Eti heгаа hassayana bessiyooy ay-

14. PHawuloosi ba halchchuwaa polanawu ay oottana  
koshshiyooгаа akeekidee?

15. PHawuloosi Piliphphisiyuusa Kiristtaaneti 'gakkana-  
saa horddofiyooгаа' woy baaxetiyoogaa aggennaadan  
minttetanawu issi biittaa asa gidiyoogaabaa leemisuwaa  
waati go'ettidee?

bissee? He wode, Rooma biittaa asa gidiyoo-gee daro go'aa demissiyo gishshawu, asay he biittaa asa gidanawu keehi koyees.\* Piliphphisiyuusan de'ya Kiristtaaneti Rooma biittaa asa gidiyoo gishshawu, Rooma biittaa sunttati koyiyoo gaadan hanana koshshees. SHin, tiyettida Kiristtaaneti keehi aadhdhiya kawotettaa biittaa asa, hegee etawu daro go'aa demissana. Saluwaa kawotettaa asa gidiyoo gaara geeddarssiyo wode, Rooma biittaa asa gidiyoo gee keehi laafaba! Hegaappe dendidaa-gan, PHawuloosi Piliphphisiyuusa Kiristtaaneti “Kiristtoosa wonggeliyaayo bessiya de'uwaa” de'anaadan minttettiis. (Pili. 1:27) Saluwan merinaa de'uwaa demmanawu baaxetiyoogan tiyettida Kiristtaaneti ha wodiyan nuuyyo lo'o leemiso.

16 Nuuni merinawu de'anawu hidootiyoy saluwaana gidin woy gannate gidida sa'ana gidin, nuuni ubbatoo nu gakkanasawu baaxeta-

\* Piliphphisiyuusa kataman de'ya asay Rooma biittaa asa gidiyoo gan amarida go'aa demmana danddayees. Yaatiyo gishshawu, Piliphphisiyuusan de'ya ishannti PHawuloosi yootido leemisuwaa akeekana danddayoosona.

16. Nu hidootay saluwan de'iyoo gaaga gidin woy sa'an de'iyoo gaaga gidin, Piliphphisiyuusa 4:6, 7y yootiyoo gaagan, nuuni aggennan oottana bessiyaabay aybee?

na koshshees. Nuuni gencciiddi de'iyoo metoy ayba gidikkonne, kasebaa qoppaana koshshenna; qassi Yihoowawu haggaa ziyoogaa nuna aybinne digganaadan oottana bessenna. (Pili. 3:16) Nuuni Yihooway qaala gelidobati polettin be'anawu daro wodi yawu naagiiddi de'ennan woy cimanne wolqqi baynnaageeta gidennan aggokko. Nuuni daro layttawu metuwaanne yedetaa gencciiddi de'yaageeta gidana danddayoos. Hanotay ayba gidikkonne, “issibaukka hirgoppite.” Inttessi koshshiyaabawu ubbawu Xoossaa mintti woossite, qassi intte qoppaana danddayiyo aybippenne aadhdhiya sarotettaa I inttessi immana.—**Piliphphisiyuusa 4:6, 7 nabbaba.**

17 Wottaa wurssanawu keehi matido wode wurssiyoogaa xallaa qoppiya wottanchchaadan, nuunikka nu wottaa wurssanawu keehi matido wode Yihooway qaala gelido maalaalissiyaabatu xallaa qoppoos. Yaatanawu, ha'i nuusi danddayettida ubbabaa aggennan oottanawu koyoos. Nuuni waani genccidi de'ana danddayiyo? Nuuni ay kaseyana koshshiyaakko qassi “keehi koshshiyaabaa shaakki [eranawu]” waatana danddayiyo akko kaalliya huuphe yohoy nuna maaddana.—Pili. 1:9, 10, NW.

17. Kaalliya huuphe yohuwan nuuni ay xanna'anee?

## WOYGADA ZAARUUTEE?

- Aggennan Yihoowawu haggazanaadaaninne ubbatoo nu halchchuwaa xallaa qoppaanaadan PHawuloosa leemisoy nuna waati denttettii?
- Issibay nu naagido wodiyan polettennan aggikkokka, cimiyoo wode wolqqi xayikkokka, qassi aggenna metoy gakkikkokka, de'uwaa wot-taa waatidi aggennan wox-xana danddayiyo?
- PHawuloosi minni oottanaadan denttettidabay aybee?

## MAZAMURE 106

Siiqiyaageeta Gidanawu  
Baaxetiyoogaa

## HA XINAATIYAN

Ha wodiyan nuuni awudee-  
gaappenne aaruwan, nu  
ishantta kaseegaappe aat-  
tidi siiqana koshshees. Pi-  
liphphisiyuusan de'iya Ki-  
risttaanetuuyo xaafettida  
dabddaabbee nuuni siiqu-  
waa bessanawu metootiyo  
wodekka, waati siiquwaa  
dichchana danddayiiaak-  
ko akeekanaadan nuna  
maaddees.

# Ne Siiqoy Diccanaadan Ootta

*“Intte siiqoi . . . gujji gujji diccanaadan, Xoossaa woossais.”*

—PILI. 1:9.

KIITETTIDA PHAWULOOSI, Sillaasi, Luqaasinne Ximootiyoo-  
si Piliphphisiyuusa katamaa gakkido wode, Kawotettaa mishi-  
raachchuwaa siyanawu koyiya daro asaara gayttidosona. Ha oy-  
ddu minni oottiya ishantti gubaa'ee eqqanaadan maaddidosona;  
qassi erissiyo ashkkarati ubbay imattaa mokkiya Liidiyo giyo  
issi michchee son issippe shiiqiyoogaa doommennan aggokkona.  
—Oos. 16:40.

<sup>2</sup> Mati eqqida he gubaa'iyaa paacee sohuwaara gakkiiis. Seexaa-  
nay tumaa ixxiya asay PHawuloosinne A laggeti sabbakiyoogaa  
eqettanaadan eta denttettiis. PHawuloosanne Sillaasa oyqqido-  
sona, gatiman shocidosona, qassi qasho keettan yeggidosona.  
Eti qasho keettaappe kiya simmidi, mati erissiyo ashkkara gidi-  
daageetukko biidi eta minttettidosona. Hegaappe simmin, PHa-  
wuloosi, Sillaasinne Ximootiyoosi he katamaappe bin Luqaasi  
yan takkennan waayi aggana. Yaatin mati erissiyo ashkkara gidi-  
da ishanttinne michchontti waananee? Yihooway ba ayyaanaa  
baggaara eta maaddin, eti minnidi ayyo haggaaziyoogaa aggi-  
bookkona. (Pili. 2:12) PHawuloosi etan ceeqettiyo lo'o gaasoy  
de'es!

<sup>3</sup> Tammu laytta gidiya wodiyaappe guyyiyan, PHawuloosi Pi-  
liphphisiyuusan de'iya gubaa'iyawu dabddaabbiyaa xaafiis. Nee-  
ni he dabddaabbiyaa nabbabiyo wode, PHawuloosi ba ishantta  
siiqiyo siiquwaa akeekana danddayaasa. I, “Taani inttena ub-

1. Piliphphisiyuusan gubaa'ee eqqanaadan maaddiday oonee?
2. He gubaa'iyaa sohuwaara gakkida paacee aybee?
3. Piliphphisiyuusa 1:9-11n odettidaagaadan, PHawuloosi ay xeelliyaaagan woossidee?



bata Kiristtoos Yesuusappe yiya siiquwan ai keena siiqiyaakko” yaagiis. (Pili. 1:8) I etawu Xoossaa woossidoogaa etassi xaafiis. Eta siiqoy diccanaadan, eti keehi koshshiyaabaa shaakki eranaadan, boree baynaageeta gidanaadan, harata xubbenna mala naagettanaadaaninne xillotettaa ayfiyaa ubbatoo ayfanaadan maaddana mala Yihoowa woossiis. Ha wodiyan, nuunikka PHawuloosi yootidobaappe darobaa tamarana danddayoos. **(Piliphphisiyuusa 1:9-11 nabbaba.)**\* Ha huuphe yohuwan, I yootidobata pilggana; qassi hegeeta huuphiyan huuphiyan waati oosuwan peeshshana danddayiyaakko tobbana.

### SIIQOY DICCANAADAN OOTTA

4 Yihooway ba Na'ay nu nagaraa gishshawu hayqqanaadan sa'aa kiittiyooagan nuna keehi siiqiyoogaa bessiis. **(1 Yohaannisa 4:9, 10 nabbaba.)** Xoossay nuna siiqidoogee nuunikka A siiqanaadan denttettees. (Roo. 5:8) Nuuni Xoossaa ay keena siiqana koshshii? Yesuusi issi Parisaawiyaassi, “Neeni Godaa ne Xoossaa ne kumetta wozanaappe, ne kumetta shemppuwaappe, ne kumetta qofaappe siiqa” yaagido wode he oyshaa zaariis. (Maa. 22:36, 37) Nuuni Xoossaa nu kumetta wozanaappe siiqanawu koyoos. Qassi A siiqiyo siiqoy galla galla dicci dicci baanaadan koyoos. PHawuloosi eta siiqoy ‘gujji gujji diccana’ koshshiyoogaa Piliphphisiyuusan de'iya Kiristaanetussi yootiis. Kaseegaappe aaruwan Xoossaa siiqanawu waatana danddayiyoo?

\* Piliphphisiyuusa 1:9-11 (NW): “Qassi taani ubbatoo Xoossaa woossiyoogee haggaa; intte siiqoy tumu eratettaaranne akeeka ubbaara issippe gujji gujji diccana mala, keehi koshshiyaabaa intte shaakki erana mala, Kiristtoosa gallassay gakkanaashin intte boree baynaageeta gidana malanne harata xubbenna mala, qassi Xoossay bonchettanaadaaninne sabbetanaadan intte Yesuus Kiristtoosa baggaara xillotettaa ayfiyaa ayfana mala.”

4. (a) Koyro Yohaannisa 4:9, 10y yootiyooagaadan, Yihooway nuna siiqiyoogaa waati bessidee? (b) Nuuni Xoossaa ay keena siiqana koshshii?

5 Nuuni Xoossaa siiqanawu A erana koshshees. Geeshsha Maxaafay, “Xoossai siiqo gidiyo gishshau, siiqenna urai ooninne Xoossaa erenna” yaagees. (1 Yoh. 4:8) Nuuni Yihoowabaa ‘tumu eratettaanne akeeka ubbaa’ demmiyo wode, A siiqiyo siiqoy kaseegaappe aaruwan diccanaagaa kiitettida PHawuloosi yootiis. (Pili. 1:9, 10) Nuuni Geeshsha Maxaafaa xanna'iyooogaa doommido wode, Yihoowabaa ubbabaa erana xayikkonne, A siiqiyoogaa doommida. Nuuni Yihoowabaa gujjidi tamarido wode, A siiqiyo siiqoy mino gidiiis. Nuuni Geeshsha Maxaafaa ubbatoo xanna'iyooogeenne heгаа wozanaappe wotti denti qoppiyoogee keehi koshshiyoy hegaassa.—Maz. 77:12.

6 Xoossay nuna keehi siiqiyoogee nuuni nu ishantta siiqanaadan denttettana. **(Koyro Yohaannisa 4:11, 20, 21 nabbaba.)** Nu ishanttanne nu michchontta siiqiyoogee metiyaaba gidenna giidi qoppaana danddayoos. Ayssi giikko, nuuni Yihoowawu goynnoosinne A milatanawu baaxetoos. Nuna keehi siiqidi ba de'uwaa nu gishshawu immida, Yesuusa leemisuwaa nuuni kaalloos. SHin issoy issuwaa siiqanaadan immettida azazuwaa azazettiyoogee issi issitoo metana danddayees. Piliphphisiyuusan de'iya gubaa'iyaa hanotaa be'a.

7 Ewodanne Sinxxiika kiitettida PHawuloosaara minnidi 'issippe oottida' michchontta. SHin eti maayettibeennabay de'ennan aggenaa; yaatin eta laggetettay duuxxiis. He michchontti haggazido gubaa'iyawu PHawuloosi xaafido dabddaabbiyan, I Ewodinne Sinxxiiki sunntaa denttidi, eti “naa77aikka issi qofan” de'anaadan zoriis. (Pili. 4:2, 3) PHawuloosi gubaa'iyawu ubbay “zuuzummennan

5. Nu siiqoy kaseegaappe aaruwan waani diccana danddayii?

6. Nu siiqoy gujjiyoogaara gayttidaban 1 Yohaannisa 4:11, 20, 21ppe ay tamariiyoo?

7. PHawuloosi Ewodanne Sinxxiiko zoridobaappe nuuni ay tamariiyoo?

woikko [“palamettennan,” NW] ubbabaa” ootana mala etawu odana bessiyooaakka qoppiis. (Pili. 2:14,15) PHawuloosa zoree he ammanettida michchonttinne gubaa’iyan de’iya hara ishanntinne michchontti issoy issuwaa kaseegaappe aaruwan siiqanaadan maaddidoogee qoncce.

<sup>8</sup> Nuuni issi issitoo Ewodeegaadaaninne Sinxxiikeegaadan nu ishanntu balaa xallaa qoppiyo gishshawu, eta siiqiyoogee keehi metees. Nuuni ubbaykka galla galla balabaa oottoos. Nuuni haratu balaa ubbatoo qoppikko, nu eta siiqiyo siiqoy irxxana. Leemisuwawu, issi ishay SHiiquwaa Addaraashaa geeshshiyooagan maaddiyooгаа dogikko, nuuni yiillotana danddayoos. Nu ishay oottido hara balaa ubbaa nuuni qoppiyoogaa doommikko, A bolli keehi yiillotananne A darin siiqennan aggana. Ne gubaa’iyan de’iya issi uraara hegaa mala metoy neeyyo de’ikko, Yihooway nu balaanne nu ishaa balaa be’iyooгаа neeni wotta dentta qoppiyoogee lo’o. SHin he balay de’ishinkka, I nu ishaakka nunakka siiqees. Hegaa gishshawu, nuuni nu ishannta siiqiyoogaaninne ubbatoo eta lo’o eeshshaa qoppiyoogan Yihoowa leemisuwaa kaallana koshshees. Nuuni nu ishannta siiqanawu baaxetiyo wode, etaara kaseegaappe aaruwan issuwaa gidana.—Pili. 2:1, 2.

#### “KEEHI KOSHSHIYAABAA”

<sup>9</sup> Piliphphisiyuusan de’iya Kiristtaaneti **“keehi koshshiyaabaa shaakki erana mala”** yootanaadan, Yihooway PHawuloosa kaallettiis. Ha wodiyan nuunikka yaatana koshshees. (Pili.1:10, NW) Yihoowa sunntaa bonchchissiyoogeti, I gelido polettiya qaalati, qassi gubaa’iyaa sarotettayanne issippetettay

8. Nuuni nu ishannta siiqanawu keehi metootanaadan oottiyaabay aybee, qassi nuna aybi maaddana danddayii?

9. PHawuloosi Piliphphisiyuusan de’iya Kiristtaanetussi yootido ‘keehi koshshiyaabatuppe’ amaridabay aybee?

ha keehi koshshiyaabatu leemisota. (Maa. 6: 9, 10; Yoh. 13:35) Hageeti nu de’uwan keehi koshshiyaabata gidiyo wode, nuuni Yihoowa siiqiyoogaa bessoos.

<sup>10</sup> PHawuloosi nuuni **“boree baynnaageeta”** gidana koshshiyooaakka yootiis. Hegaa giyoogee nuuni wottiyoobi baynna asa gidana bessees giyoogaa gidenna. Nuuni Xoossaa Yihoowagaara issi mala ogiyan boree baynnaageeta gidana danddayokko. SHin, nuuni nu siiquwaa gujjanawunne keehi koshshiyaabaa shaakki eranawu nuussi danddayettida ubbabaa oottikko, Yihooway nuna boree baynna asadan xeellana. Nuuni harata xubbennaadan naagettanawu nuussi danddayettida ubbabaa oottiyoogan nu siiquwaa bessana danddayoos.

<sup>11</sup> **Harata xubbennaadan** imettida azazoy keehi wolqqaamaba. Nuuni issi ura waati xubbana danddayiyo? Nuuni allaxxiyoobaa, maayiyoobaanne oosuwaa dooriyo wode hegaadan oottana danddayoos. Nu oottiyoobay bala gidennan aggana danddayees. SHin nuuni dooriyoobay issi uraa kahaa qohin I woy A xubettikko, hegee wolqqaamaba. Nu ishanntuppe issuwaa nuuni xubbikko, hegee nuussi gaacciyo wogga woxay nu qooriyan qashettin abban mitettiyoogaappe aadhhdida iitaba gi-diyoogaa Yesuusi yootiis.—Maa. 18:6.

<sup>12</sup> Aqinye gidida issi azinayanne machchiyaa Yesuusi yootidobaa waati oosuwaa peeshshidoonaa? Eti darobata oottennaadan diggiyo keettan diccida mati xammaqettida issi azinaaranne machcheera gubaa’iyan issippe haggaaazidosona. Ha mati xammaqettidaageeti pilimee kandduwaaban geeshshabaa bessiyaakkonne, Kiristtaaneti hegaa be’ana koshshennabadan

10. Nuuni boree baynna asadan xeelettanawu ay oottana koshshii?

11. Nuuni harata xubbennaadan naagettana koshshiyoy aybissee?

12. Aqinye gidida azinayanne machchiyaa oottidobaappe nuuni ay tamaariyo?

qoppoosona. Aqinye gidida azinaynne machchiyaa pilimiyyaa be'idoogaa eti erido wode keehi yiillotidosona. Hegaappe simmin, aqinye gidida azinaynne machchiyaa mati erissiyo ashkkara gididaageeti bantta kahaa loohissananne iitaa kehaa akeekana gakkanaashin pilime keettaa bi-bookkona. (Ibr. 5:14) Yaatiyoogan, aqinye gidida azinaynne machchiyaa mati xammaqettida ishaanne michchiyo bolla doonan gidennan, wozanappe siiqiyoogaa bessidosona.—Roo. 14: 19-21; 1 Yoh. 3:18.

<sup>13</sup> Nuuni issi ura xubbana danddayiyo hara ogee he uri nagaraa oottanaadan denttettiyoogaa. Hegee waani hanii? Ha hanotaa qoppa. Issi Geeshsha Maxaafaa tamaaree ushshaa amaliyaa agganawu daro wodiyawu baaxetidi wurssettan

13. Nuuni issi uri nagaraa oottanaadan waati denttettana danddayiyo?

aggiis. I ushshaa harantto mule uyana bessen-naagaa akeekiis. I ba de'uan daroban laametti-di xammaqettiis. Guyyeppe, issi ishay A gibiraa shoobbidi, awu ushshaa immiiddi hagaadan giis: “Neeni ha'i Kiristtaane; Yihoowa ayyaanay neessi de'ees. Geeshsha ayyaanaa macaraappe issoy ba huuphiyaa naagiyoogaa. Neeni ne huuphiyaa naagikko, guutta ushshaa uyana koshshees.” Mati xammaqettida ishay he bala zoriyaa siyin, haranttuwaa ushshay ayyo amale gidikko, hegee keehi azanttiyaaba!

<sup>14</sup> Kiristtaane shiiqoti Piliphphisiyuusa 1:10n de'iya zoriyaa oosuwan peeshshanaadan daro ogiyan nuna maaddoosona. Koyroogee, Yihooway keehi koshshiyaaba ootti xeelliyoo-baa shiiqotun nuuni tamaariyoobay nuussi

14. Nu shiiqoti Piliphphisiyuusa 1:10n de'iya zoriyaa oosuwan peeshshanaadan nuna waati maaddiyoonaa?

**Nuuni ubbatoo nu ishanntu lo'o eeshshaa xeellana koshshiyoy aybissee?**  
(Mentto 8 xeella)







**Haratussi sabbakanawu danddayettida ubbabaa ootta**  
(Mentto 17 xeella)

qonccissee. Naa'anttoogee, boree baynna asa gidana mala nuuni tamaariyoobaa waati oosuw peeshshanaakko tamaaroos. Heezanttoogee, nuuni issoy issuwaa siiqanaadaaninne lo'o oosuwaa oottanaadan shiiqoy denttettees. (Ibr. 10:24, 25) Nu ishannti nuna minttettiyo wode, nuuni Xoossaanne nu ishannta siiqiyo siiqoy kaseegaappe aaruwan diccana. Xoossaanne nu ishannta kumetta wozanaappe siiqiyo wode, nuuni nu ishannta xubbennaadan naagettanawu danddayettida ubbabaa oottana.

**“XILLOTETTA AIFIYAA” UBBATOO AYFA**

<sup>15</sup> PHawuloosi Piliphphisiyuusan de'iya Kiristaaneti *“xillotettaa aifiyaa aifana”* mala wozanappe woossiis. (Pili. 1:11) Eti Yihoowanne A asaa siiqiyoogee ha *“xillotettaa aifiyaa”* bes-siyaaba gidiyoogee qoncce. Hegee eti Yesuusan ammaniyoogaanne ufayssiya bantta hidootaa haratussi yootiyoogaakka xaaxi waaxees.

15. ‘Xillotettaa ayfiyaa ayfiyoogaa’ giyoogee wogiyoo-gee?

Piliphphisiyuusa 2:14, 15n hara leemisoy, ‘asaa gidon poo'issiyaabaara’ eta geeddarissee. Yesuusi ba erissiy ashkharata *“Sa7au intte poo7o mala”* giidoogaa hegee nuna hassayissee. (Maa. 5:14-16) Yesuusi bana kaalliyageeti asaa ‘A kaalliyageeta oottanaadanka’ azaziis; qassi I eti, *“Sa7aa gaxaa gakkanaashinkka . . . markkattiyaageeta gidana”* yaagiis. (Maa. 28:18-20; Oos. 1:8) Nuuni ha keehi koshshiya oosuwaa oottanawu nuussi danddayettida ubbabaa oottiyo wode, *“xillotettaa aifiyaa”* ayfoos.

<sup>16</sup> Nu hanotay ayba gidikkonne, poo'uwaa poo'issiyaabadan nuunikka poo'issana danddayoos. Issi issitoo, sabbakennaadan diggiyaba milatiyaabati nuuni sabbakanaadan oottana danddayoosona. Leemisuwawu, kiitettida PHawuloosi Piliphphisiyuusan de'iya Kiristaanetussi dabddaabbiiyaa xaafiyo wode, Rooma

16. Piliphphisiyuusa 1:12-14y metiyaabay de'shinkka, poo'uwaa poo'issiyaabadan nuuni poo'issana danddayiyoogaa waati bessii? (Koyro sinttan de'iya misiliyaa xeella.)



biittan ba son qashuwan de'ees. SHin PHawuloosi qashuwan de'ikkokka, naagiyaageetuyoonne bana oychchanawu yiyaageetuyyo sabakiyoogaa aggibeenna. PHawuloosi heгаа mala hanotan de'iiddi minni sabbakiis; qassi hegee ishantti kaseegaappe xalidi 'Xoossaa qaalaa yashshi baynnan yootanaadan' maaddiis.—**Piliphphisiyuusa 1:12-14 nabbaba; 4:22.**

<sup>17</sup> Daro ishanttinne michchontti PHawuloosaagaadan xala gididosona. Eti sabbakiyo oosoy woy sooppe soo oottiyoogee teqettido biittatun de'yo gishshawu, mishiraachchuwa sabbakanawu hara ogiyaa koyoosona. (Maa. 10: 16-20) Hegaa mala issi biittan, woradaa xomoosiyaagee aassiyaageeti ubbay dabbotuyyo, shoorotuyyo, banttanaara tamaariyaageetuyyo, banttanaara oottiyageetuyyoonne eriyo asaayo sabbakana koshshiyooгаа yootiis. Naa'u layttaa gididon, he woradan gubaa'etu qooday keehi gujjiis. Nuuni de'yo biittan sabbakiyo oosoy waayi digettana. SHin, Hiillan oottiya ishanttupenne michchonttuppe ha keehi maaddiyaabaa tamarana danddayoos: Neeni haratussi sabbakanawu neessi danddayettida ubbabaa oottikko, metiyo wodiyanka aggennan sabba-

17. Amarida ishanttinne michchontti metiyo wodiyanka waati aggennan sabbakidoonaa?

kanaadan Yihooway neessi wolqqaа immana.—Pili. 2:13.

<sup>18</sup> PHawuloosi Piliphphisiyuusan de'iya Kiristaanetussi xaafido dabddaabbiyan de'iya zoriyaa, oosuwan peeshshanawu nuuni ha wodiyan awudeegaappenne aaruwan murttana bessees. Nuuni keehi koshshiyaabaa shaakki eriyaageeta, boree baynnaageeta, harata xubbennaadan naagettiyaageetanne xillotettaa ayfiyaa ayfiyaageeta gidana koshshees. Yaatiyo wode, nu siiqoy diccana, qassi nu siiqo Aawaa Yihoowa nuuni bonchchissana.

18. Nuuni ay oottanawu murttana koshshii?

**MISILIYAA QONCISSUWAA Sinttaa 11:** SHiiquwaa Ad-daraashaa geeshshiyoo wode, Jo giyo ishay oottiyooгаа aggidi issi ishaaranne A na'aara haasayees. Hegee geeshshiiddi de'iya Mika giyo ishaа yiillooyees. I, 'Joy oot-tana besseesippe attin, haasayana bessenna' giidi qop-pees. Guyyeppe, issi cima michchiyo Joy leddan maaddiyooгаа Miki be'ees. Ha ufayssiya hanotay Miki ba ishawu de'iya lo"o eeshshata loytti qoppaanaadan hassayisseees. **Sinttaa 12:** Yihoowa Markkati qoncciyaa sabbakana danddayenna biittan, issi ishay banaara erettiya urawu hiillan Kawotettaa mishiraachchuwaа yootees. Guyyeppe, ooso sohuwan shemppo saatian, he ishay banaara oottiyaagawu markkattees.

## WOYGADA ZAARUUTEE?

- 'Keehi koshshiyaabatuppe' amaridabay aybee?
- Nuuni waani "boree baynnaageeta" gidana danddayoo?
- Nuuni waani "xillotettaa aifiyaa aifana" danddayiyo?

**MAZAMURE 67**

“Qaalaa Yoota”

**HA XINAATIYAN**

Nu dabboti Yihoowa eranaadan nuuni koyoos, shin assi oottanawu woy ootennan agganawu eti kuu-yana bessees. Nu dabboti metootennan tumaa siya-naadan nuuni ay oottana danddayiyaakko ha huuphe yohuwan be'ana.

## ‘Neeni Giyoogaa Siyiyaageeti’ Attana

*“Ne huuphiyaanne ne timirttiyaa naaga. Neeni heгаа oottikko nenanne neeni giyoogaa siyiyaageeta ashshiyo gishshau, aggennan ootta.”*—1 XIM. 4:16.

POOLINO\* giyo michchiyaa hagaadan gaasu: “Taani tumaa siyoosappe ta so asay ubbay tanaara Gannatiyaa gelanaadan koyays. Ta azinay Weyninne nu yelaga na’ay tanaara Yihoowawu haggazanaadan keehi koyaas.” Yihoowa erennanne siiqenna dabboy neeyyo de’ii? Neenikka Poolinidan, ne dabboti nenaara Yihoowawu haggazanaadan koyennan aggakka.

<sup>2</sup> Nu dabboti tumaa eranaadan wolqqanttokko, shin eti Geeshsha Maxaafay yootiyoobaa yuushshi qoppaanaadan minttettana danddayoos. (2 Xim. 3:14, 15) Nu dabbotussi markkattana koshshiyoy aybissee? Nuuni etawu qarettana koshshiyoy aybissee? Nu dabboti nuugaadan Yihoowa siiqanaadan maaddanawu ay oottana danddayiyo? Nu gubaa’iyan de’iyya ubbay nuna waati maaddana danddayii?

**NU DABBOTUSSI MARKKATTANA KOSHSHIYOY AYBISSEE?**

<sup>3</sup> Yihooway matan ha alamiyaa xayssana. Merinaa de’uwaas-si “suure wozanaa koshshay de’iyo” asatu xallay attana. (Oos. 13:48, NW) Nu heeran nuuni erenna asatussi tumaa yootanawu daro wodiyaanne wolqqaa wurssiyo gishshawu, nu dabboti nunaara Yihoowawu haggazanaadan nuuni markkattiyoogee bessiyaaba. Nuna siiqiya Aaway Yihooway, “ooninne ba naga-

\* Issi issi asatu sunttay laamettiis. Ha huuphe yohuwan, “dabbota” giyo qaalay Yihoowawu haggazenna nu so asata qonccissees.

1. Nu ubbaykka nu dabbotussi ay amottiyo?
2. Ha huuphe yohuwan nuuni be'ana oyshati awugeetee?
3. Naa"antto PHeexiroosa 3:9y yootiyoogaadan nuuni nu dabbotussi markkattana koshshiyoy aybissee?

raappe simmanaadan koyeesippe attin, ooninne xayana mala koyenna.”—**2 PHeexiroosa 3:9 nabbaba.**

<sup>4</sup> Atotettaabaa suure ogiyaaninne suure gidenna ogiyan yootana danddayiyoogaa nuuni qoppana koshshees. Leemisuwawu, nuuni erenna asatussi ashkktettan markkattana danddayikkonne, nu dabbotussi hegaadan waayi oottana.

<sup>5</sup> Nuuppe daroti tumaa siyido wode, nu dabbotussi markkattido hanotaa hassayikko, hegaappe kehiya ogiyan yootidaba gidiyaakko ixokko. PHawuloosi, “Intte ubbau waati zaaranau bessiyaakko erana mala, intte haasayai **ubba wode**, siyanau kehiyaagaanne ufaissiyaa-gaa gidanau bessees” yaagidi Kiristaaneta zoriis. (Qol. 4:5, 6) Nu dabbotussi markkattiyo wode ha zoriyaa hassayiyoogee keehi koshshees. Yaatana xayikko, eti siyanaadan oottiyoogaappe, eta hanqetissana danddayoos.

#### NU DABBOTA MAADDANAWU AY OOTTANA DANDDAYIYOO?

<sup>6</sup> **Qoppiyoogaa besa.** Qommoora ibaa yootido Poolina, “Koyro heeran taani, ta keetaawaara ayyaanaabaa xallaa haasayanawu koyaas. Nuuni ‘harabaa’ mule haasayokko” yaagaasu. SHin, Poolini azinay Weyni Geeshsha Maxaafaa daro erenna gishshawu, Poolina yootiyoobaa akeekenna. A ba haymaanooto xallaa qoppiyooba ayyo malatiis. A qohiya citan gayttada cimettidaba ayyo malatin hirggiis.

<sup>7</sup> Poolina ayyaanaaban baassi ishanne michcho gididaageetuura shiiqota shiiqiyoogan,

4. Nu dabbotussi markkattiyo wode nuuni balana danddayiyoobay aybee?

5. Nu dabbotussi tumaa yootanaappe kase ay hassayana koshshii?

6-7. Yihoowa Markka gidenna aqo laggiaaassi aybissi qoppana koshshiyaakko bessiya leemisuwaa yoota.

## TAMAARISSANAWU NU WEBSAYTIYAA GO'ETTA

Nuuni sabbakiyoogaaninne nu lo'o eeshshan nu dabboti Yihoowa eranaadan eta maaddana danddayoos. Geeshsha Maxaafay yootiyoobaa qonccissiya nu xuufiyaa nuuni etayyo immiyoogee eta maaddiya hara oge. Beni wode, asay attamettida maxaafata, maxeetettanne trakteta nabbabiyoogaa dosees. SHin, ha wodiyan daro asay Intterneetiyan kiyiyaabaa nabbabees. Daro asay qassi biiduwa be'iyooogaa dosees. Ne dabboti bantta akeekaadaaninne eti koyiyo wode Yihoowa asaabaa tamaranaadan maaddanawu, jw.org<sup>®</sup> saytiyaa xomoosanaadan woy JW Brodcastingian<sup>®</sup> kiyiya amarida prograameta be'anaadan eta shoobba.





Neeni asawu qoppiyoogeenne ne oottiyoobay gita markka gidees (Mentto 6-8 xeella)

sabbakiyoogaaninne eta soo biyoogan omarsinne saaminttaa wurssettan daro wodiya aattiyoogaa guutaa takkada akeekaasu. Poolina, “Weyni issi issitoo soo simmiyo wode asi son baynna gishshawu moozottees” yaagaasu. Weyni ba machchiyaanne ba na’ay he wode banaara de’iyaakko dosees. I eta laggeta erenna, qassi Poolini ooratta laggeti iyyo appe aadhdiyaaba assi malatiis. Weyni Poolino paraman shaahettana giidi yashissiiis. Poolina ba azinawu qoppiyoogaa bessana ginata qoppaana danddayay?

<sup>8</sup> *Lo’o leemiso gida.* Darotoo, nu dabboti nuuni *haasayiyoobaappe* aaruwan nuuni *oottiyoobaa* akeekoosona. **(1 PHeexiroosa 3: 1, 2 nabbaba.)** Poolina guyyeppe hegaa akeekaasu. A hagaadan gaasu: “Weyni nuna dosi-

8. Koyro PHeexiroosa 3:1, 2y yootiyoogaadan, nu dabboti loytti akeekana danddayiyoobay aybee?

yoogaanne I paraman shaahettanawu tumuppe koyennaagaa taani erays. SHin, I tana yashissi simmin taani Yihooway koyiyoobaa oottana bessiyoojaa akeekaas. Assi ubbatoo sabbakiyoogaappe lo’obaa oottiyoogee keehi koshshees.” Poolina Geeshsha Maxaafaabaa haasayanaadan Weyna wolqqanttiyoogaa aggada, galla galla koshshiyaabawu aara haasayiyoojaa doommaasu. Weyni ba machchiyaa kaseegaappe kehidoogaa, qassi eta na’ay kaseppe aaruwan woppidoogaanne azazettiyoogaa akeekiis. (Lee. 31:18, 27, 28) Geeshsha Maxaafaa zoree ba soo asaa maaddidoogaa Weyni be’ido wode, Xoossaa Qaalay yootiyoobaa yuushshi qoppiyoogaanne azazettiyoogaa doommiis.—1 Qor. 7:12-14, 16.

<sup>9</sup> *Ne dabbota maaddanawu baaxetiyoogaa*

9. Nu dabbota nuuni aggennan maaddana koshshiyoy aybissee?



**aggoppa.** Yihooway hegan nuussi leemiso gi-dees. I asay mishiraachchuwaa siyidi de'uwaa demmanaadan 'zaari zaaridi' odissiis. (Erm. 44:4) Qassi, harata aggenan maaddanaadan kiitettida PHawuloosi Ximootiyoosassi yootiis. Aybissi? Yaatikko, inne I yootiyoobaa siyiyaageeti attiyo gishshataassa. (1 Xim. 4:16) Nuuni nu dabbota dosiyo gishshawu, Xoossaa Qaalan de'iya tumaa eti eranaadan koyoos. Poolina oottiyoobayne haasayiyoobay guut-taa takkidi I soo asaa maaddiis. Ha'i I keettaaway iira Yihoowawu haggaaziyo gishshawu, A keehi ufayttawusu. Eti naa'aykka aqinye, qassi Weyni gubaa'iyaa cima gididi oottees.

<sup>10</sup> **Danddayanchcha gida.** Nuuni Xoossawu azazettanawu kuuyido wode, nu de'oyne nu ammanoy laamettiis. Nu dabboti heгаа mee-zetanawu metootana danddayoosona. Nuuni etaara haymaanoote baalata bonchennaagaa, qassi polotikan walahettennaagaa eti koyro be'oosona. Issi issi dabboti koyro nuna hanqgettana danddayoosona. (Maa. 10:35, 36) SHin, nuuni eti laamettennabadan mule qoppa koshshenna. Nuuni ammaniyoobaa eti akeekanaadan maaddiyoogaa ag-gikko, hegee eti merinaa de'uwaa demmanawu bessokkona giidi pirddiyoogaara issi mala. Yihooway nuussi pirddiyo oosuwa immibeenna, I he oosuwa Yesuusawu immiis. (Yoh. 5: 22, 23) Nuuni danddayanchcha gidikko, nu dabboti guyyeppe nuuni yootiyoobaa siyana danddayoosona.—“Tamaariisanawu Nu Websaytiyaa Go'etta” giya saaxiniyaa xeella.

<sup>11</sup> **Keha gida, shin ne kuuyidobaa ne dabboti laamissanaadan eeno gooppa.** (Lee. 15:2) Alisi hanotaa be'a. A Xoossaa ammanannane polotikaa asa gidida, bana yelidaageetup-

10. Nuuni danddayanchcha gidanawu bessiyoy aybissee?

11-13. Alisa bana yelidaageeta oyqqido hanotaappe ay tamaray?

pe haaho sohuwan de'iya biittan Yihoowabaa tamarasu. A tamarido mishiraachchuwaa danddayetta keenan eesuwan etawu yootana koshshiyooгаа akeekaasu. Alisa hagaadan gaasu: “Issi uri ammanidonne oottiyo oortabaa bana yelidaageetussi yootanawu takkiko, guyyeppe eti yiillotana danddayoosona.” A bana yelidaageeta ufayssana gaada qoppido siiquwaa mala qofaa doorada, Geeshsha Maxaafay hegeetubaa woygiyaakko yootaasu; qassi eta qofay aybakko dabddaabbiyan oy-chchaasu. (1 Qor. 13:1-13) Ba aawayne aayiyaa bana dichchidonne naagido gishshawu eta galataasu, qassi etawu imotaa kiittaasu. Bantta soo asaa oy-chchanawu biido wode, ba aayiyoo so oosuwan maaddanawu A danddayido ubbaa oottaasu. Alisa ba ooratta ammanuwaabaa yootiyo wode, O yelidaageeti koyro heeran ufayttibookkona.

<sup>12</sup> Alisa bana yelidaageetu son takkido wode, ubba galla Geeshsha Maxaafaa nabbawusu. Alisa, “Taassi Geeshsha Maxaafay ay keena koshshiyaabakko ta aayiyaa akeekanaadan hegee maaddiis” yaagaasu. Alisi aaway ba naiyo laamidabay aybakko akeekanawu kuuyiis; qassi Geeshsha Maxaafan balaa demmanawu koyiis. Alisa, “Taani A denttettana danddayiya amarida qofata an xaafada Geeshsha Maxaafaa assi immaas” yaagaasu. Yaatin waanidee? Alisi aaway balaa demmibeenna. Ubbakka I Xoossaa Qaalan nabbabidoban keehi ufayttiis.

<sup>13</sup> Paacee gakkiiyo wodekka, nuuni kuuyidobaa nu dabboti laamissanaadan eeno geenan etawu kehana koshshees. (1 Qor. 4:12b) Leemisuwawu, Alisa bana ba aayiyaa ixshin genccaasu. Alisa, “Taani xammaqettido wode, ta aayiyaa tana 'azazettenna naiyo' yaagaasu” gaasu. Yaatin, Alisa ay oottadee? A hagaadan gaasu: “Taani ta ooratta ammanuwaabaa yootiyoogaa aggabeykke, shin taani

Yihoowa Markka gidanawunne taani kuuyidobaa laammennan agganawu qofaa qachchaas. Taani ta aayyiyo wozanappe siiqiyooqaa iyyo yootaas. Nuuni naa'aykka yeekkida, qassi taani iyyo mal'iya qumaa kattaas. Hegaappe simmin, ta aayyiya tana Geeshsha Maxaafay lo'o asa oottidoogaa akeekiyoogaa doommaasu.”

14 Nuuni Yihoowawu haggaaaziyoogee keehi koshshiyooqaa nu dabboti gam'idi akeekana danddayoosona. Leemisuwawu, Alisa bana yelidaageeti A oottanaadan koyido oosuwaa aggada aqinye gidanawu kuuyido wodekka I aayyiya yeekkaasu. SHin, Alisa ba qofaa laammabeykku. A hagaadan gaasu: “Intte kuuyido issibaa inttena yelidaageeti laamissikko, intte kuuyido harabaakka laamis-

14. Nuuni Yihoowawu haggaaazanawu kuuyidoogaa nu dabboti laamissanaadan eeno gaana koshshennay aybissee?

sanawu eti baaxetana danddayoosona. SHin, intte kehanne kuuyidobaa laammennaageeta gidikko, etappe amaridaageeti tumaa siyana danddayoosona.” Alisissikka hegaadan haniis. I aawaynne I aayyiya ha'i aqinye, qassi I aaway gubaa'iyaa cima.

#### GUBAA'IYAN DE'YA UBBAY WAATI MAADDANA DANDDAYII?

15 Yihooway ba asay oottiyo “lo77o oosuwaa” go'ettidi asaa baakko shiishshees. **(Maatiyoosa 5:14-16; 1 PHeexiroosa 2:12 nabba-ba.)** Ne aqo laggee Yihoowa Markka gidana xayikko, I ne gubaa'iyaa asaara gayttii? Qommoora ibaa yootido Poolina, I azinay Weyni etaara erettana mala ishanttanne michchontta ba soo shoobbawusu. Weyni issi ishay Yi-

15. Maatiyoosa 5:14-16ynne 1 PHeexiroosa 2:12y yootiyoogaadan, haratu 'lo'o oosoy' nu dabbota waati maaddana danddayii?



Ammanenna nu so asaa gubaa'ee waati maaddana danddayii?  
(Mentto 15-16 xeella)

hoowa Markkati ay mala asakko I eranaadan waati maaddidaakko hassayidi hagaadan giis: “I kuwaasiyaa kaassaa tanaara be’anawu oosu-waappe issi galla shemppo ekkiis. Taani, ‘Ikka hara asa mala!’ gaada qoppaas.”

<sup>16</sup> Nu dabbota maaddiyo issi lo’o ogee, nu gubaa’e shiiqota nunaara shiiqanaadan shoob-biyooqaa. (1 Qor. 14:24, 25) Godaa Kahu-waa shiiqoy oosoppe simmiinanne qantta gidiyo gishshawu, Weyni koyro shiiqidoy he-gaa. I hagaadan giis: “Taani haasayaa wurssa akeekana xayikkonne, asati tana ufayssidosa-na. Eti taakko yiidi tana minttidi sarotidoso-na. Eti lo’o asa gidiyoogaa taani akeekaas.” Issi azinaynne machchiyaa Poolinonne I na’aa shiiquwaanne haggaa zuwaa wode maaddiyoo-gan daro kehidosona. Guyyeppe Weyni Poo-lini ooratta ammanuwaabaa eranawu kuuyi-do wode, bana he azinay Geeshsha Maxaafaa xanna’issanaadan oychchiis.

<sup>17</sup> Nu dabboti ubbay nunaara Yihoowawu oottanaadan koyoos. SHin, nu dabboti Xoos-

---

16. Nu dabboti shiiqota shiiqanaadan nuuni shoobbana koshshiyoy aybissee?

17. Nuuni mooridabada qoppana koshshennabay ay-bee, shin nu dabboti laamettana danddayokkona giidi nuuni kuuyana koshshennay aybissee?

sawu haggaa zanaadan nuuni ay keena baa-xetikkonne, eti tumaa siyennan ixkana dan-ddayoosona. Eti hegaadan kuuyikko, nuuni hegee nu mooruwaana giidi qoppana kosh-shenna. Nu ammaniyoogaadan ammananaa-dan oonanne giddana danddayokko. SHin, neeni Yihoowawu haggaa ziyo gishshawu ay keena ufayttiyaakko ne dabboti be’iyoo-gee eta keehi maaddana danddayees. Eta-wu woossa. Eta hiillan haasayissa. Eta maad-danawu baaxetiyoogaa aggoppa. (Oos. 20: 20, 21) Yihooway ne baaxiyaa anjjanaagaa ammanetta. Qassi ne dabboti neeni yootiyoo-baa siyanawu kuuyikko, eti attana!

---

**MISILIYAA QONCISSUWAA Sinttaa 15 (saaxiniyaa):** Yelaga ishay ammanenna A aaway kaamiyaa loyttiyaagaa maaddees. Injjetiyi wodiyan I [jw.org](http://jw.org)® saytiyaappe biidu waa A bessees. **Sinttaa 16:** Issi michchiyaa ba amanenna keettaaway oosuwan daafuriiddi pe’ido peesh-shaabaa yootishin loyttada ezggawusu. Hara wode, A ba soo asaara allaxxawusu. **Sinttaa 18:** Michchiyaa ba gu-baa’iyaa yameta ba soo shoobbaasu. Eti I azinaara eretanawu maloosona. Guyyeppe, azinay ba machcheera Godaa Kahuwaa bonchchees.

---

## NE DABBOTUSSI KAALLIDI DE’IYA EESHSHATA WAATA BESSANA DANDDAYAY?

■ Qoppiyoogaa

■ Danddayaa

■ Kehatettaa

## MAZAMURE 38

I Nena Minttana

### HA XINAATIYAN

Issi issitoo, ishanttinne michchontti ubba wode haggaazuwaa aggana woy ooratta haggaa zo maataa ekkana danddayoosona. Ha huuphe yohoy eta gakkiiya metotubaanne eti metootennan bantta ooratta hanotaa meezeta-naadan aybi maaddana danddayiyaakko yootees. Harati eta minttettanawunne maaddanawu ay oottana danddayiyaakko, qassi nuna de'uwan oorattabay gakkiiyo wode Geeshsha Maxaafay waati maaddana danddayiyaakkokka ha huuphe yohoy qonccis-sees.

# Ooratta Hanotan Ufayttiyo Ogiyaa

*“Intte oottido oosuwaanne . . . Xoossaa siiqido siiquwaa Xoossai doganau worddanchcha gidenna.”*

—IBR. 6:10.

ROBERTINNE MERI JO kasebaa hassayidi haggadan giidosona: “Nuuni misoonaawe gididi ufayssiya 21 layttaa takki simmin, nuna yelidaageeti sahettidosona. Nuuni eta heemmiyoogan ufayttida. SHin, nuuni keehi dosiyo sohuwaa aggidi yiidoogan azzanida.”

<sup>2</sup> Wiiliyaaminne Teera haggadan giidosona: “Nu sahuwaa gaasuwan, nuuni kase haggaa ziyo sohuwaa simmana danddayennaagaa erido wode yeekkida. Nuuni kare biittan Yihoowayyo haggaa zana-wu ubbatookka koyoos, shin ha”i nuuni hegaadan oottana danddayokko.”

<sup>3</sup> Aleksii haggadan giis: “Nuna yedettiyaageeti taani haggaa ziyo macara biiru waa gorddissanawu koyiyoogaa nuuni erida. SHin, eti Beetele gorddissin nuuni yaappe kiyido wodekka yiillotida.”

<sup>4</sup> Qassi, Beeteelen haggaa ziyaageeta gujjin, ubba wode haggaa ziya darotussi ooratta maatay imettiis.\* Ha al”o ishanttinne michchontti keehi xoqqu ootti xeelliyo maataa aggiyoogee etayyo keehi deexxiyaaba gidana danddayees. He laamiyaa meezetanawu eta aybi maaddana danddayii? Neeni eta waata maaddana danddayay? Ha oyshatu zaaroti de'uwan laamettiyaabay gakkiiyo wode nuna ubbaa maaddana danddayoosona.

\* Hegaadanka, aawatettay de’iyo layttan sugida daro ishantti bantta aawatettaa yelaga ishanttussi immidosona. *Wochiyo Keela Masqqalaa* 2018, “Cimida Kiristtaanetoo —Intte Ammanettiyoogaa Yihooway Nashshees” giyaagaanne *Wochiyo Keela Xiqimittaa* 2018, “Hanotay Laamettikkonne Sarotettan De’a” giya huuphe yohota xeella.

1-3. Ubba wode haggaa ziyaageeti he maataa agganadan oottana danddayiya amaridabati aybee?

4. Ha huuphe yohuwan nuuni be’ana oyshati awugeetee?



## LAAMETTIDABAA GENCCIOY OGIYAA

<sup>5</sup> Nuuni haggaa'ziyoy Beeteleena gidin hasaana gidin, nuuni oottiyo sohuwaanne yan de'iya asaa kaseegaappe aaruwan siiqiyoo'gaa ta-maarana danddayoos. Hegaa gishshawu, nuussi imettida oosu'waa nuuni aggana koshsikka kee-hi azzanoos. Nuuni nu ishanttanne michchontta laamotoos, qassi nuuni yedetaa gaasuwan ag-gidi biikko, etassi kee'hi hirgoos. (Maa. 10:23; 2 Qor. 11:28, 29) Qassi, hasasaa biyoogee kee-hippe metiyaaba gidana danddayees; ayssi giikko yan nuuni ooratta wogaa meezetana koshshe-nan aggenna. Nuuni yiido sohu'waa simmik-kokka, nuuyyo hegaadan siyettana danddayees. Robertinne Meri Jo hagaadan giidosona: "Nu wogaynne nu qaalan sabbakiyoogee nuuyyo oo-ratta gidiis. Nuuni nu biittan hara biitta asa gidi-dabadaan nuussi siyettiis." Amaridaageetussi hanotay laamettidoogaa gaasuwan qoppennan eta miishshaa metoy gakkana danddayees. Eti wop-pu geennan aggananne hido'otaa qanxxana dan-ddayoosona. Eta aybi maaddana danddayii?

<sup>6</sup> *Yihoowakko shiiqada de'a.* (Yaaq. 4:8) Hegaa-

5. Nu hanotay laamettiyoogee nuna ayba ogetun qoha-na danddayii?

6. Nuuni waanidi Yihoowakko shiiqidi de'ana danddayi-yoo?

dan waati oottana danddayi'oo? 'Woosaa si-yiyaagan' ammanettiyoogaana. (Maz. 65:2) Mazamure 62:8y, "Intte metu'waa ayyo yooti-te" yaagees. Yihoo'way "nuuni woossiyoobaa woi qoppiyoobaa ubba'appe kee'hi darissi oottanau" danddayees. (Efi. 3:20, 21) Yihoo'way nuussi im-miyoy nuuni woosan oychchidobaa xalla giden-na. I nuuni mule qoppi erenna ogiyan nu metu-waa qaarana danddayees.

<sup>7</sup> Yihoowakko shiiqidi de'anawu, galla galla Geeshsha Maxaafaa nabbabananne nabbabido-baa wotti dentti qoppana koshshees. Kase mi-soonaawe gididi oottida issi ishaya hagaadan giis: "Kase intte maddabettido sohuwan oot-tiyoogaadan, ubbatoo so asaa goynu'waa goy-nnitenne shiiqu'wawu giigettite." Qassi, intte ooratta gubaa'iyan mishiraachchu'waa sabbaka-nawu inttessi danddayettida ubbabaa oottite. Eti kasegaadan ubbabaa oottana danddayenna-ba gidikkonne, aggennan baayyo ammanettidi oottiyaageeta Yihoo'way hassayees.—**Ibraawe 6: 10-12 nabbaba.**

7. (a) Yihoowakko shiiqidi de'anawu nuna aybi maadda-nee? (b) Ibraawe 6:10-12y yootiyoogaadan, nuuni Yihoo-wayyo ammanettidi ubbatoo haggaa'ziyoogee ayba ayfe demissanee?



Ubba wode haggaa'ziyaageeti bantta maataa aggiyoogee paacciyaaba gidana danddayiyoy aybissee?

(Mentto 5 xeella)



Nuuni Yihoowakko shiiqiyoogeenne an ammanettiyoogee keehi koshshiyaaba (Mentto 6-7 xeella)

<sup>8</sup> ***Ne de'uwaa sima ootta.*** Seexanaa alamiyaa hirggay Yihoowawu haggaaziyoogaa nena agisanaadan oottoppa. (Maa. 13:22) Yihoowayyo haggazenna asay woy neeni daro miishshaa demmanaadan maaddanawu maliya laggeti woy dabboti yootiyoobaa siyoppa. **(1 Yohaannisa 2: 15-17 nabbaba.)** Nuuyyo koshshiyaabaa 'koshshiya wodiyan' immanawu qaala gelida Yihoowan ammanetta. I nu ammanoy kaseegaappe aaruwan minnanaadaaninne nuuni woppu gaanaadan maaddana, qassi aquwaaban nuussi koshshiyaabaa I nuuyyo immana.—Ibr. 4:16; 13: 5, 6.

<sup>9</sup> ***Koshshennan acuwan gelennaadan naagetta.***

8. Koyro Yohaannisa 2:15-17n de'iya qofay nu de'uwan keehi koshshiyaaban xeelaa wottanaadan waati maaddana danddayii?

9. Leemiso 22:3, 7y yootiyoogaadan, koshshennan acuwan gelennaadan naagettana bessiyoy aybissee, qassi lo'obaa kuuyanaadan nuna aybi maaddana danddayii?

**(Leemiso 22:3, 7 nabbaba.)** Harasan daanawu biyoogee keehi al'o gidana danddayees, qassi acuwan geliyoogee metennaba. Hegaa gishshawu, neessi tumuppe koshshennabaa shammanawu miishshaa tal'oppa. So asaappe issoy sahetin xeelliyo wodiyaagaa mala, un'issiyaabay nuna gakkiyo wode, ay keena miishshaa tal'anaakko kuuyanawu metootana danddayoos. Hegaa mala hanotatun, mintta 'woosiyoo'ge' neeni lo'obaa kuuyanaadan maaddana danddayiyoogaa hassaya. Neeni woppu gaanaadan maaddiyoogan Yihooway ne woosaa zaarana danddayees, hegee neeni lo'obaa kuuyanaadan maaddees.—Pili. 4: 6, 7; 1 PHe. 5:7.

<sup>10</sup> ***Neeyyo lo'o leemiso gidiya asatuura laggeta.*** Nena gakkidabanne neeyyo siyettiyaabaa ne mata laggetussi yoota; qassi nena gakkidabay kase eta gakkidaba gidana danddayees. Neeni hegaadan oottikko, ufayttana danddayaasa. (Era. 4:9, 10) Neeni kase haggaaziyo heeran laggetidoogeeti neessi lagge gididi de'ana. Ha'i ne ooratta hanotan neeni haratuura laggetana koshshees. Neeni neeyyo laggeti de'anaadan koyikko, keha gidana koshshees. Neeni ooratta laggeta waatada demmana danddayay? Neeni kase Yihoowawu haggaaziyo wode demmido lo'oban ufayttidoogaa harati akeekana mala etawu hegaa yoota. Gubaa'ayan de'iya amaridaageeti neeni ubba wode haggaazuwaa dosiyo gaasuwa akeekennan aggana danddayoosona; shin harati nebaa loytti eranawunne neeyyo lo'o lagge gidanawu koyana danddayoosona. SHin, neeni nebaa woy ne Yihoowayyo haggaaziyo wode oottidobanne neeyyo siyettiya ufayssennabaa haratuyyo keehi darobaa haasayoppa.

<sup>11</sup> Neeni ne maataa aggidoy ne aqo laggiyaa harggiyaa gaasuwaana gidikko, A woy O amasaloppa. Woy qassi, neeni harggikko ne aqo laggiyaa azzanttidabandan qoppada nena moo-

10. Nuuni lo'o laggeta waatidi demmana danddayiyo?

11. Intte aqo de'oy ubbatoo ufayssiyaagaa gidanaadan waatana danddayeetii?

## GUBAA'EE MAADDANA DANDDAYIYO OGETA



Maaddiya qofaa yoota  
(Montto 13 xeella)



Zaaretti maddabin intte gubaa'iyaa yiidaageeti  
inttenaara haggazanaadan shoobbite  
(Mentto 14 xeella)

ranchchadan xeelloppa. Intte “issi asa” gidiyoo-  
gaanne intte aqo oyqqiyo wode, aybi hanikkoka  
issoy issuwawu koshshiyaabaa kunttanawu Yi-  
hoowa sinttan maacettidoogaa hassayite. (Maa.  
19:5, 6) Halchhennan na'i yelettidoogaa gaasu-  
wan intte maataa aggidaba gidikko, intte maa-  
taappe intte na'i inttessi aadhhiyoogaa I era-  
naadan oottite. Intte na'a Xoossaappe intteyyo  
imettida 'woytodan' xeelliyooogaa, intte ubbatoo  
assi yootite. (Maz. 127:3-5) Qassi, intte kase  
maatan oottiyo wode demmido ufayssiyaabaa  
ayyo yootite. Yaatiyoogee intteegaadan intte na'i  
ubba wode Yihoowawu haggazanaadan maad-  
dana danddayees.

### HARATI WAATI MAADDANA DANDDAYIYOONAA?

<sup>12</sup> Daro gubaa'eti, qassi daro ishanttinne mich-  
chontti ubba wode haggaa'iyaaageeti aggen-  
nan haggazanaadan maaddiyooogee ufayssiya-  
ba. Bantta oosuwa aggennan oottanaadan eta  
minttettiyoogan, etassi asatettaaban koshshiyaa-  
baa immiyoogan woy eti banttappe haakkidi  
de'iya bantta soo asawu koshshiyaabaa kunta-  
naadan eta maaddiyooogan hegaadan oottooso-  
na. (Gal. 6:2) Ubba wode haggaa'iyaaageeti intte  
gubaa'iyaa kiitettikko, etayyo aawatettay laamet-  
tidoogee eti iitabaa woy moorobaa oottidoogaa-  
na giidi qoppoppite.\* Etayyo hanotay meten-  
na mala eta maaddite. Sahuwaa gaasuwan eti  
darobaa oottana xayikkonne, eta pashkki giidi  
mokki ekkite; qassi eti kase oottidobawu eta ga-  
latite. Etaara loytti erttite. Eta eraappe, loohis-  
suwaappenne eta de'uwan hanidabaappe tamaa-  
rite.

\* Eti aqinye, cima, woy gubaa'iyawu oottiyaagaa gididi aggen-  
nan oottana mala eti haggaa'iyoo gubaa'iyaa de'iya cimati dan-  
ddayettida keenan eesuwaara eta hanotaa qonccissiya dab-  
ddaabbiiyaa xaafana koshshees.

12. (a) Ubba wode haggaa'iyaaageeti aggennan bantta  
maatan oottanaadan nuuni waati maaddana danddayi-  
yoo? (b) Eti bantta ooratta hanotaara meezetanaadan  
nuuni waati maaddana danddayiyoo?



<sup>13</sup> Ooratta maatay imettidoogeeti keettaa, issisaa baanawu koshshiyaabaa, oosuwaanne hara koshshiyaabata demmanawu koyro intte maad-doy koshshana danddayees. Qaraxaa qanxxiyoo-gaanne inshuranssiyaa demmiyoogaa mala ubba galla de'uwaara gayttidaban koyettiyaabaak-ka eti erana koshshennan aggenaa. SHin, intte eta hanotaa akeekanawu maliyoogee etawu keehi koshshiyaaba. Eti woy eta son issi uri sa-hettennan waayi aggana. Eti siiqiyo uri hayqqi-doogaa gaasuwan azzaniyaageeta gidana dan-ddayoosona.\* Qassi eti haasayana xayikkonne, kase eti haggazido heeran de'iya bantta laggeta laamotiyoogaa gaasuwan azzanana danddayoo-sona. Etawu kirqqi gaanaadan oottiya ha hanota-gencanawu etassi wodiya koshshees.

<sup>14</sup> Neeni lo'o leemiso gidada etaara sabbakiyo

\* "Kayyottiyaageeta Maaddiyaabaa," giya 2018 *Beegottite!*, paydo 3 xeella.

13. Ooratta maatay imettidoogeeta nuuni waati maad-dana danddayiyoo?

14. Issi michchiyaa ba ooratta hanotaara meezetanaa-dan A biido gubaa'iyaa ishantinne michchontti waati maaddidona?

wodenne eta minttettiyo wode, eti meezetanaa-dan maaddana danddayaasa. Kare biitan daro layttawu haggazida issi michchiyaa hagaadan gaasu: "Taani kase haggaziyo sohuwan, galla galla Geeshsha Maxaafaa xinaateta xanna'issays. Ooratti maddabettido sohuwan, issi xiqisiyaa nabbabanawu woy haggazuwan issi biiduwaawu bessanawukka metootays. SHin taani ooratti biido gubaa'iyaa ishantinne michchontti eti zaarettidi oychchiyoogee tukkonne xanna'issiyoo-geetukko etaara baanaadan tana oychchoosona. Ammanettidi minnidi oottiya he ishantinne michchontti Geeshsha Maxaafaa xinaateta xanna'issiyoo-gaa be'iyoo-gaa taani moottaa dosanaa-dan oottiis. Taani ooratta haggazo moottan asaa haasayissiyoo-gaa waata doommanaakko ta-maaraas. Ha ubbabay taani zaarettada ufaytta-naadan oottiis."

### NEEYYO DANDDAYETTIDA UBBAN AGGENNAN OOTTA!

<sup>15</sup> Neeni ne ooratta hanotan muruta ayfiyaa demmana danddayaasa. Kase haggaziyo wode

15. Neeni ne ooratta hanotan muruta ayfiyaa waata demmana danddayay?

**Intte moottan  
haggazuwaa aassiyoo-  
geeta koyite**  
(Mentto 15-16 xeella)





neeni loytta oottabeennabandan woy qassi ha'i neeni go'ennabandan qoppoppa. Ha'i nena Yihooway daro ogiyan maaddiiddi de'iyooqaa qoppa, qassi aggennan sabbaka. Koyro xeetu layttan de'ida ammanettida Kiristtaanetu leemisuwaa kaalla. Eti "qaalaa yootiiddi, ubbasaa biidosona." (Oos. 8:1, 4) Neeni ubbatoo sabbakikko lo'o ayfiyaa demmana danddayaasa. Leemisuwawu, issi biittaappe aqinyeta yedettin eta qaalan aassiyaageeti keehi koshsheero shooro biitti eti biidosona. Amarida aginatu gidдон, eesuwan dicciya citay yan eqqiis.

<sup>16</sup> "GODAA ufaissai intteyyo wolqqa." (Nah. 8:10) Nuuni nu maataa siiqikkonne, maatan gidennan, nuuni Yihoowaara dabbotido dabbotan keehi ufayttana koshshees. Yaatiyo gishshawu, ufayttanawu koyikko, nuuni Yihoowaara mattatti de'ana, aadhdhida eratettaa, kaaletuwaanne maaduwaape demmanaagaa muletoo ammanettana koshshees. Intte kase haggaaziyo sohuwan de'ia asaa maaddanawu inttessi danddayettida ubbaa oottidoogan kase maataa intte dosidoogaa hassayite. Intte wozanaa intte ooratta maatan wottite, qassi intte hegaakka siiqaanaadan Yihooway waati maaddiyaakko akeekite.—Era. 7:10.

<sup>17</sup> Nuuni Yihoowayyo merinawu haggaazanaa-

16. Intte ooratta maatan waani ufayttana danddayeetii?

17. Nuuyyo ha wodiyan de'ia maataa xeelliyaaagan nuuni ay hassayana bessii?

gaa hassayana bessees; qassi ha'i nuuni ayyo oottiyoobay ooratta alamiyan nuuni oottanabaa-ra issi mala waayi gidana. Doomettan abaa denttido Aleksii A hanotay laamettidoogee sinttappe laamettanabawu I giigettanaadan maaddiyooqaa yootiis. Aleksii hagaadan giis: "Yihoowayne ooratta alamee beettiyaagaa keena qoncce gidiyooqaa taani erikkonne, amarida hanotan eti haakkidaba milatoosona. Taani ha'i Yihoowakko keehi shiiqaas, qassi ooratta alamee keehi mata wode yiyaabadan taayyo siyettees." (Oos. 2:25) Nu maatay ayba gidikkokka, nuuni Yihoowakko shiiqidi de'ana koyoos. I nuna mule yeggi aggen-na; qassi nuuni A haggaazuwan oottana danddayiyoobay ayba gidinkka, awan gidinkka nuuni ufayttanaadan I maaddana.—Isi. 41:13.

---

**MISILIYAA QONCISSUWAA Sinttaa 21:** Kare biittan haggaaziya misoonaawe azinayne machchiyaa he biittaappe aggidi biyo wode bantta gubaa'iyaa yeekiiddi sarotoosona. **Sinttaa 22:** He aqo laggeti bantta yeletido biitti simmidi, banttana gakkiiya metuwan genccanaadan Yihooway maaddana mala A minttidi woossoosona. **Sinttaa 24:** Yihooway maaddin, he aqo laggeti zaarettidi ubba wode haggaaziyaageeta gididosona. Eti bantta ooratta gubaa'iyaa moottan de'ia hara biittaappe yiidaageetussi mishiraachchuwa yootanawu misoonaawe gididi oottiyo wode tamarido qaalaa go'ettoosona.

## WOYGADA ZAARUUTEE?

■ Hanotay laamettiyo wode genccanaadan nuna aybi maaddana danddayii?

■ Hanotay laamettido harata nuuni waati maaddana danddayiyo?

■ Yihoowa haggaazuwan nuussi danddayettida ubbaa aggennan oottanaadan nuna aybi maaddana danddayii?

# AMMANUWAA

## Nuuni Minnanaadan Maaddiya Eeshshaa

SIQUWAA  
UFAYSSAA  
SAROTETTAA  
DANDDAYAA  
KEHATETTAA  
LO'OTETTAA

**AMMANUWAA**

ASHKKETTAA

BA HUUPHIYAA NAAGIYOOGAA

AMMANOY gita wolqaa nuussi immees. Leemisuwawu, Seexaanay ayyaanaaban nuna woranawu koyees, shin “xalahe halaqai dafidi yeddiyo wondafiyaa tama ubbaa toissanau” ammanoy nuna maaddes. (Efi. 6:16) Nuussi ammanoy de'ikko, dere keena gita metota genccana danddayoos. Yesuus ba erissiyoo ashkkaratussi hagaadan giis: “Intteyyo sanaafici giyo qii mittee aifee keena ammanoi de'iyaaakko, intte ha deriyaa, ‘Hagaappe yaa shiiqa’ yaagiyaakko i shiiqana.” (Maa. 17:20) Ammanoy nuna ayyaanaaban minttana danddayiyo gishshawu, kaalliyaa oyshata yuushshi qoppana koshshees: Ammanoy aybee? Nu wozanaa hanotay nu ammanuwaa waatii? Nu ammanuwaa waati minttana danddayiyo? Qassi nuuni oonan ammaniyoogaa bessana koshshii?—Roo. 4:3.

### AMMANOY AYBEE?

Ammanoy Geeshsha Maxaafay giyoogaa ammaniyoogaa xalla gidenna; ayssi giikko, ‘xalagetikka Xoossay de'iyooqaa ammanoosona; yashshan kokoroosona.’ (Yaaq. 2:19) Yaatin ammanoy aybee?

Geeshsha Maxaafay ammanuwawu naa"u ginati de'iyooqaa qonccissees. **Koyruwan**, “ammanoy hidootidobaa ammanettidi naagiyoogaa.” (Ibr. 11:1a, NW) Neessi ammanoy de'ikko, Yihooway yootiyo ubbay tumanne polettanabaa gidiyooqaa minttada ammanaasa. Leemisuwawu, Yihooway Israa'eelatussi hagaadan giis: “Taani gallasaa saanne qammaara maachchaa maacettaas; he maachchan eti banttau keerettida wodiyan simerettoosona. He gallaasanne qammaa maachchaa intte laammanau danddayikko, taani a zariyaappe

kawotaa araatan uttana asi mulekka xayennaadan, ta ashkkaraa Daawitaara maacettido maachchaa laammana.” (Erm. 33:20, 21) Saluwan away kiyiyoogaanne wulliyooqaa aggin, qammayne gallasay xayaneeshsha gaada yayyay? Biittay awa ayfiyaa yuuyanaadan oottiya mereta higgiiyaa neeni sirana xayikko, he higgeta Medhdhidaagee ba qaalaa polanaagaa neeni sirana koshshii? Sirana koshshenna!—Isi. 55:10, 11; Maa. 5:18.

**Naa"anttuwan**, ammanoy “be7anau danddayenabaa erissiyaagaa.” Ammanoy ayfiyan beettennabay tumuppe de'iyooqaa “erissiyaagaa” woy ‘ammanantiya naqaasha’ geetettidoogaa akeeka. (Ibr. 11:1b) Neeni ayfiyan be'ana danddayennabaa ammaniyoogaa bessiya issi leemisoy aybee? Guutta na'ay nena ‘Carkkoy de'iyooqaa neeni aybin erana danddayay?’ yaagi oychchikko shin? Neeni carkkuwaa mule be'ana xayikkonne, carkkoy de'iyooqaa na'ay akeekanaadan maaddanawu, carkkoy oottiyoobaanne hejaa mala beettiya naqaashata go'et-tada yootaasa. Issi na'ay he naqaashan ammanikko, I be'enna harabaykka de'iyooqaa ammanees. Hegaadankka, ammanoy qoncce naqaashay dendo gididobaa.—Roo. 1:20.

### SUURE WOZANAY DE'ANA KOSHSHEES

Ammanuwawu denddoy naqaasha gidiiyo gishshawu, issi asassi ammanoy de'ana mala, I ‘tumattetaa [“suure,” NW] eraa’ erana koshshees. (1 Xim. 2:4) SHin era xallay gidenna. Kiitettida PHawuloosi, ‘Asi ba **wozanan** ammanees’ yaagiis. (Roo. 10:10) Issi asi tumaa ammaniyoogaa xalla gidennan, hejaa nashshana koshshees. Yaatiyoogee I amma-

nuwaa oosuwan bessanaadan, hegeekka tumaara maayyaabaa oottanaadan A denttettes. (Yaaq. 2:20) Tumaa wozanappe nashshenna issi asi, naqaashaa ixkana danddayees; ayssi giikko, I ba amanuwaa laammanawu koyenna woy ba dooridobaa oottanawu koyees. (2 PHe. 3:3, 4; Yih. 18) Beni wode, maalaalissiyaabaa be'ida ubbay amanibeennay hegaassa. (Qoo. 14:11; Yoh. 12:37) Tuma gididabaa siiqiya asa xallaassi, ammanoy de'ana mala Xoossaa ayyaanay maaddees.—Gal. 5:22; 2 Tas. 2:10, 11.

## DAAWITI BA AMMANUWAA WAATI MINTTIDEE?

Mino ammanoy de'iyoogetu gidдон Kawuwaa Daawitikka de'ees. (Ibr. 11:32, 33) SHin, Daawitanta son mino ammanoy de'iyoy ubbaassa gidenna. Leemisuwawu, Daawita ishanttuppe bayray Eli'aabi, Gooliyaada naasiyawu Daawitee hanqettidoy iita qofay denttettiina giido wode, ammanoy baynaagaa bessiiis. (1 Sam. 17:26-28) Ammanuwaara yelettiya woy bana yelidaageetuppe hegaa laattiya ooninne bayna gishshawu, Daawiti Xoossaa dabbotidoogan ammaniis.

Daawiti hegaa mala mino ammanoy assi de'ana wu waani danddayidaakko Mazamure 27n qonccisiis. (Paydo 1) Daawiti ba de'uwan kase hanidabaanne Yihooway A morkketa waatidaakko **wotti dentti qoppiis**. (Paydo 2, 3) I Yihooway giigissido gayttiyo dunkkaaniyaa wozanappe **nashshiis**. (Paydo 4) Daawiti ba mala ammaniyaageetuura gayttiyo dunkkaaniyan Xoossawu **goynniis**. (Paydo 6) I **woosan** Yihoowa wozanappe koyiis. (Paydo 7, 8) Daawitee Xoossaa ogiyaa **tamaaranawukka** koyiis. (Paydo 11) Ammanoy ayyo keehi koshshiyoy gishshawu Daawiti, “Ammanoy baynaakko taani waanane?” yaagidi oychchiis.—Paydo 13, NW.

## NE AMMANUWAA WAATA MINTTANA DANDDAYAY?

Mazamure 27n qonccida qofayenne meezee neeyo de'ikko, neeyyookka Daawiteegaa mala ammanoy de'ana danddayees. Ammanuwawu denddoy suure eraa gidiyo gishshawu, Xoossaa Qaalaanne Geeshsha Maxaafaa qofay de'iyoy xuufeta neeni loy-



**Qammayne gallassay ubbatoo de'anaagaa nuuni ammanettiyoogaadan, Xoossaa Qaalay ubbatoo polettanaagaa ammanettoos**

tta xanna'ikko, Xoossaa ayyaanaa ayfiyaa macara gidida ammanuwaa ayfanaagee metenna. (Maz. 1: 2, 3) Xanna'iyoy wode takki gaada wotta dentta qoppa. Xanna'iyooabaa wotti dentti qoppiyaaba gidikko, Yihoowa wozanappe nashshoos. Neeni Yihoowa wozanappe nashshiyoy gishshawu, gubaa'iyawu goynniyoogaaninne ne hidootaa haratussi yootiyoogan ammanuwaa oosuwan bessanawu keehi koyana. (Ibr. 10:23-25) Qassi nuuni 'salettennan woossikko' ammanoy de'iyooogaa bessoos. (Luq. 18: 1-8) Hegaa gishshawu, Yihooway 'intteyyo qoppiyoogaa' ammanettidi, “ubba wode Xoossaa woossite.” (1 Tas. 5:17; 1 PHe. 5:7) Ammanoy nuna oosuwwu denttettes, qassi oosoy nu ammanuwaa minttees.—Yaaq. 2:22.

## YESUUSAN AMMANIYOOGAA OOSUWAN BESSA

Hayqqanaappe kase qammi, Yesuusi ba erisiyo ashkkaratussi, “Xoossaa ammanite; tanakka

ammanite” yaagiis. (Yoh. 14:1) Hegaassi nuuni Yihoowa xalla gidennan, Yesuusakka ammaniyoogaa bessana koshshees. Yesuusammaniyoogaa waa-ti bessana danddayiwoo? Ane heezzu ogeta be’oos.

**Koyruwan**, wozoy Yihooway neessi immidoba gidiyooqaa qoppa. Kiitettida PHawuloosi hagaadan giis, “Taani ha77i de7iyo de7oi, tana siiqidi, ta gishshau, ba huuphiyaa immida Xoossaa Na7an de7iya ammanuwaana.” (Gal. 2:20) Neeni Yesuusammaniyoogaa oosuwan bessiyaaba gidikko, wozoy nena maaddana danddayiyoogaa, ne nagaraa atto giissiyaaba gidiyooqaa, merinaa de’uwaa demissiyooqanne Xoossay nena siiqiyooqawu gita naqaa-sha gidiyooqaa minttada ammanana danddayaasa. (Roo. 8:32, 38, 39; Efi. 1:7) Wozoy nena maaddanaagaa neeni tumuppe ammaniyaaba gidikko, ne hanotan zil’ettakka.—2 Tas. 2:16, 17.

**Naa’antuwan**, Yesuusa yarshshuwaa baggaara woosan Yihoowakko shiiqa. “Nuna koshshiyoo wode maaddiya maarotettaa ekkanaunne aaro kehatettaa demmanau,” wozuwaa gaasuwan woosan Yihoowakko ‘yayyennan shiiqana’ danddayoos. (Ibr.

4:15, 16; 10:19-22) Woosay nagaran paacettiyoogaa eqettanawu nuuni murttidaageeta gidanaadan oottees.—Luq. 22:40.

**Heezzanttuwan**, Yesuusawu azazetta. Kiitettida Yohaannisi hagaadan giis: “Na7aa ammaniya urau merinaa de7oi de7ees; shin Na7aa ammanennaagaa bolli Xoossaa hanqqoi de7anaagaappe attin, i de7o be7enna.” (Yoh. 3:36) Yohaannisi ammanoy azazettennan ixxiyoogaappe dummatiyoogaa yootiis. Yaatiyo gishshawu, neeni Yesuusawu azazettiyo wode, an ammaniyoogaa besaasa. Neeni ‘Kiris-ttoosa higgiiya,’ woy qassi I tamarissidobaanne azazidobaa ubbaa kaalliyooqan Yesuusawu azazettaasa. (Gal. 6:2) Yesuusi ‘ammanettida wozannaa-ma ashkkaraa’ baggaara immiyo kaaletuwaa kaalliyooqanka Yesuusawu azazettaasa. (Maa. 24:45) Yesuusawu azazettiyoogan, beetaadan qohiyaanne yashshiya metota gencanawu mino gidaasa.—Luq. 6:47, 48.

## “UBBAAPPE AADHDHIYA GEESHSHA AMMANUWAN INTTE HUUPHIYAA KEEXXITE”

Issitoo issi bitanee Yesuusa hagaadan giis: “Taanii ammanais; shin gujja ammananaadan, tana maaddarkkii.” (Mar. 9:24) Assi guutta ammanoy de’ees, shin I gujo ammanoy koshshiyooqaa eriya ashkke asa. Nu ubbawukka, ha bitaniyaadan gujo ammanoy issi wode koshshees. Qassi nu ubbaykka ha”i nu ammanuwaa minttana danddayoos. Xoossaa Qaalaa xanna’iyoonne wotti dentti qoppiyo wode, nu ammanoy minniyoogaa akeekida, hegee nuuni Yihoowa keehi nashshanaadan oottees. Nuuni nu mala Kiristaanetuura Yihoowawu goynniyo wode, nu hidootaabaa haratussi yootiyo wodenne woosan genciiyo wodekka nu ammanoy minnees. Hegaa bollikka, nu ammanoy mino gidikko, ubbaappe aadhdhiya woytuwaa nuuni ekkana. Xoossaa Qaalay nuna hagaadan zorees: “Ta dabbotoo, ubbaappe aadhdhiya geeshsha ammanuwan intte huuphiyaa keexxite; . . . intte huuphiyaa Xoossaa siiquwan wottite.”—Yih. 20, 21.



Yesuusammaniyoogaa bessiyooqaa giyoogee woygiyoogee?





# XAMMAQIYA YOHAANNISA

Ufayttiiddi De'anaan Nuna Maaddiya Leemisuwaa

NEENI gubaa'iyaw oottanawu amottikkonne, ha"i oottana danddayennabi de'ii? Hegee hara urawu de'iya aawatettaa gidennan aggenna. Woy hegee issi haggaaazo maataa, woykko neeni kase oottido maataa gidana danddayees. SHin, ne layttaa, sahuwaa, hiyyeesatettaa, woy soo asaa aawatettaa gaasuwan neeni ha"i oottana danddayiyoobay guutta. Woy dirijitee issi issibaa laammido gishshawu, neeni daro wodiyawu oottaydda takkido issi maatan oottiyoogaa aggennan waaya aggana. Gaasoy ayba gidikkonne, Xoossawu haggaaziyoogan neeni oottanawu koyiyo ubbabaa oottennabandan neeyyo siyettana danddayees. Hegaa mala hanotatun, neeni issi issitoo hidootaa qanxxana danddayiyoogee eretti-daagaa. Gidikkonne, neeni ubbatoo hidootaa qanxennaadan, yiillotennaadan, woy lancennaadan aybi maaddana danddayii? Neeni ufayttaydda de'anawu ay oottana danddayay?

Nuuni waani ufayttiiddi de'anaakko keehi koshsiiya issibaa Xammaqiya Yohaannisa hanotaappe tamarana danddayoos. Yohaannisi gita maatan ufayttiis; shin A de'uwan gakkidabay I naagidoba waayi gidana. I haggaazuwan aattidoogaappe daro layttaa qasho keettan aattana giidi waayi qoppana. SHin,

Yohaannisi ubbatoo ufayttiis; qassi I ba de'o laytta ubban hegaadan de'iis. A aybi maaddidee? Qassi hidootaa qanxxissiyaabay nuna gakkiyo wodekka, nuuni waani ufayttiiddi de'ana danddayiyoow?

## YOHAANNISA UFAYSSIDA OOSUWAA

Hospune 29 M.L. heeran, Yohaannisi Masee yaa-naagawu asay gigettanaadan, "Saluwaa kawotetta matattido gishshau, intte nagaraappe simmite" giidi yootiyoogan Yihooway ayyo immido oosuwaa oottiyoogaa doommiis. (Maa. 3:2; Luq. 1:12-17) Daroti heгаа siyidosona. Cora asay haahosaappe yiidi I yootiyoobaa siyiis; qassi daroti bantta nagaraappe simmidi xammaqettidosona. Yohaannisi banttana xillo giidi qoppiya haymaanootiyaa kaalettiyaageeti bantta ogiyaappe simmana xayikko, eta pirdday naagiyoogaakka yayyennan yootiis. (Maa. 3:5-12) Yohaannisi Xiqimitaa 29 M.L. heeran, Yesuusa xammaqido wode I ba haggaazuwan aybippenne aadhyaabaa oottiis. Hegaappe simmin, Yohaannisi yaana geetettida Masiyaa, Yesuusa harati kaallanaadan yootiis.—Yoh. 1:32-37.

Yohaannisa dumma oosuwaa xeelliyaagan Yesuusi, "Aayee uluwaappe yelettida asa ubban

qiya Yohaannisappe aadhdiya ooninne de7ibeen-na” yaagiis. (Maa. 11:11) Yohaannisi ba demmido anjuwan keehi ufayttidoogee erettidaagaa. Yohaannisaagaadan, ha wodiyan daroti gita anjuwaa demmidosona. Ane Teera giyo issi ishaabaa be'a. Inne A keettayiyaa Sandra 50ppe dariya layttawu ubba wode haggazuwan aattidosona. Teeri haggadan giis: “Taani ufayssiya daro maataa ekkada oottaas. Taani aqinye, Beetelee keettaa asa yara, dumma aqinye, woradaa xomoosiyaagaanne awuraajjaa xomoosiyaagaa gidada oottaas; qassi ha”i zaarettada dumma aqinye gidaas.” Xoossaassi ootiyoogee keehi ufayssiyaaba. Yihoowawu oottiyo maataa demmiyo wode nuuni keehi ufayttoos; shin Yohaannisa hanotaappe tamaariyoogaadan, nu hanotay laamettiyo wode ufayttiiddi de'anawu baaxetana koshshees.

## NEENI OOTTANAADAN YIHOOWAY IMMIDOBAAYYO UBBATOO NASHSHA

Xammaqiya Yohaannisi bawu de'iya maataa nashshiyoo gishshawu ubbatoo ufayttiis. Issi leemisuwaa be'a. Yesuusi xammaqetti simmin, Yohaannisa haggazoy guuxxiyoogaa doommin, Yesuusa haggazoy dari dari biis. Yohaannisi erissiyoo ashkkarati hegee eta qofissin, ayyo hagaadan giidosona: “Be7a ha77i xammaqees; asai ubbaikka akko bees.” (Yoh. 3:26) Yohaannisi zaaridi hagaadan giis: “Bullachchiyo maccaasiyaa de7iyo urai bullachchiyaagaa; he bullachchiyaagaa laggee eqqidi, i giyoogaa siyiyaa gee bullachchiyaagaa haasayan **daroo ufaitees**. Heggaa gishshau, **hagee ta ufaissai polettiis**.” (Yoh. 3:29) Yohaannisi bana Yesuusaara geeddarssibeen-na, qassi Yesuusa oosoy aybippenne aadhdiyo gishshawu Yohaannisi ba oosoy go”enna giidi qoppi-beenna. SHin, Yohaannisi ‘bullachchiyaagaa lagge’ gidiyooagaa nashshiyoo gishshawu ufayttiiddi de'is.

Yohaannisa oosoy metiyaaba gidikkonne, A xee-lay l ufayttiiddi de'anaadan maaddiis. Leemisuwawu, Yohaannisi yelettoosappe doommidi Naaziraawe; qassi woyn eessa uyennaadan digettiis. (Luq. 1:15) “Yohaannisi xoomiidinne woine eessa uyennan [yiis]” giidi Yesuusi l sima de'uwaa de'idoogaa yoo-tiis. Hara baggaara qassi, Yesuusinne l erissiyoo ashkkarati Naaziraawetuugaadan digettibookkona, qas-si eti hara asaagaadan de'ana danddayoosona.

(Maa. 11:18, 19) Yohaannisi mule malaata oottana xayikkonne, kase A kaalliyaaageetuppe amaridaageeta gujjin, Yesuusi erissiyoo ashkkarati malaatata oot-tidoogaa Yohaannisi eris. (Maa. 10:1; Yoh. 10:41) Yohaannisi bana kaalliyaaageeti Yesuusa kaalliyaa-geetuppe dummatiyooabaa keehi qoppiyoogaappe Yihooway immido oosuwaa minni oottiiddi de'is.

Ha”i Yihoowawu oottiyoobaa nuunikka xoqqu oot-ti xeellikko, nu ufayssaa naagana danddayoos. Qommoora denttido Teeri, “Taassi imettida oosuwaa ubbaa taani ubbatoo qoppaas” yaagiis. Ubba wode haggazuwan oottidobaa qoppiyo wode l, “Taani keehi ufayttiyo gishshawu zil”ettikke” yaagiis.

Yihoowawu oottiyo ay oosoykka tumuppe dum-maba gidiyoy aybissakko nuuni qoppikko, Xoossaa oosuwan kasegaappe aaruwan ufayttana dandda-yoos. Hegee ‘Xoossaara issippe oottiyaageeta’ gidi-yo maataa. (1 Qor. 3:9) Issi al”o miishshaa ubbatoo loytti oyqqikko, he miishshay lo”o gididi de'ana. Heggadan, nuuni Yihoowaara issippe oottiyoogee gita bonchcho gidiyooagaa ubbatoo qoppikko, ufayttiiddi de'ana. Nuuni nu oosuwaa hara asaa oosuwaara geeddarssokko. Nuuni oottanaadan Yihooway nuuy-yo immiyo oosoy haratussi l immiyo oosuwaagaa keenaa maaddenna giidi qoppokko.—Gal. 6:4.

## YIHOOWAY XOQQU OOTTI XEELLIYOOBATA UBBATOO QOPPITE

Yohaannisi ba haggazoy daro wodiya takken-naagaa erennan aggenna; shin hegee eesuwana wu-ranaagaa waayi erana. (Yoh. 3:30) Yohaannisi Yesuusa xammaqoosappe usuppun aginaa gidiyaa gee aadhdi simmin, 30 M.Ln, Kawuwaa Heeroodisi Yohaannisa qashissis. Yohaannisi likke gididabaa yoo-tiyooagaa aggibeenna. (Mar. 6:17-20) He laamettida ubaban ufayttiiddi de'anaadan A maaddidabay ay-bee? l ayyaanaabaa ubbatoo qoppiis.

Yohaannisi qashuwan de'yo wode, l Yesuusa haggazoy aakkiyoogaa siyiis. (Maa. 11:2; Luq. 7:18) Yohaannisi Yesuusi Mase gidiyooagaa ammaniis; shin Masee oottanaagaa Geeshsha Maxaafay yootiyo **ubbabaa** Yesuusi waati polana danddayii giidi l qoppennan waayi aggana. Masee kawo gidiyoo gishshawu, Yesuusa haaroy mata wode doommaneeshsha? Hegee Yohaannisi qashuwaappe birshshettanaadan oottandee? Yohaannisi Yesuusi oottanabaa gujjidi



Kumetta sa'an sabbakiyo oosuwaabaa ufayssiya oduwaa ubbatoo qoppiyoogee ufayttiiddi de'anaadan nuna maaddana danddayees

eranawu koyiis; heгаа gishshawu Yesuusa, “Yaanaagee neneeyye? Woikko nuuni haraa naagane?” giidi oychchanaadan I ba erissiyo ashkkaratuppe naa”ata kiittiis. (Luq. 7:19) Yaatin Yesuusi eti Yohaannisakko guyye simmi biidi hagaadan gaanaadan yootiis: “Qooqeti xeelloosona; wobbeti hemettoosona; inchchirichchai oiqqidoogeeti paxoosona; tulleti siyoosona; haiqqidaageeti denddoosona; hiyyeesati wonggeliyaa mishiraachchuwaa siyoosona.” (Luq. 7:20-22) Eti guyye simmido wode, Yesuusi maalaaliyaabaa oottidi asaa pattiyooqaa eti yootiyo wode Yohaannisi loyyti siyennan aggenna.

Yohaannisi eti yootidoban minettidoogee qoncce. Hegeе Masiyaa xeelliyaagan odettida hiraagati Yesusuan polettiyoogaa qonccissiis. Yesuusi Yohaannisa qashuwaappe birshshissana xayikkonne, Yohaannisi ba haggazoy hada gidennaagaa eriiis. He hanotan de’iiddikka, ufayttanawu ayyo lo’o gaasoy de’ees.

Yohaannisaagaadan, nuuni Yihoowassi haggaaziyoogaa xallaa qoppikko, ufayssaanne danddayan genccana danddayoos. (Qol. 1:9-11) Nuuni Geessha Maxaafaa nabbabiyooaaninne heгаа wottidenti qoppiyoogan genccana danddayoos; qassi

hegeе nuuni Xoossaayyo oottiyo ubbabawu go”ay de’iyoogaa eranaadan nuna maaddana. (1 Qor. 15:58) Sandra hagaadan gaasu: “Geessha Maxaafaa issi shemppuwaa galla galla nabbabiyooqee taani Yihoowakko shiiqanaadan maaddiis. Hegeе taani tabaa giddennan, abaa qoppaanaadan maaddes.” Nu ishanttinne michchontti Yihoowawu oottiyo oosuwaabaa oduwaakka nuuni ubbatoo qoppaana danddayoos, hegeе qassi nuuni nubaa xallaa qoppiyoogaa aggidi, Yihooway oottiiddi de’iyo oosuwa qoppaanaadan nuna maaddana danddayees. Sandra hagaadan gaasu: “JW Brodcasting® prog-raamiyan aginan aginan kiyiyaabay dirijjitiyaakko shiiqidabadan qoppaanaadan nuna maaddes; qassi nuuni nu oosuwan ufayttiiddi de’anaadan hegeе nuna maaddes.”

Xammaqiya Yohaannisi sabbakido qantta wodiyan, “Eelaasa ayyaanaaninne wolqqan” sabbakiis; qassi I Eelaasadan, “nu mala asa.” (Luq. 1:17; Yaaq. 5:17) Nuuni nashshiyooaaninne Yihoowawu haggaaziiddi de’iyoogaa xallaa qoppiyoogan A leemisuwaa kaallikko, nu de’uwan aybi gakkikkonne nuuni Kawotettaa oosuwan ufayttiiddi de’ana danddayoos.

## HA MAXEETIYAN

Xanna'iyo Huuphe Yohuwaa 31:  
Masqqala 30–Xiqimita 6 2

### “Nuuni Salettokko”!

Xanna'iyo Huuphe Yohuwaa 32: Xiqimita 7-13 8  
**Ne Siiqoy Diccanaadan Ootta**

Xanna'iyo Huuphe Yohuwaa 33: Xiqimita 14-20 14  
**‘Neeni Giyoogaa Siyiyaageeti’ Attana**

Xanna'iyo Huuphe Yohuwaa 34: Xiqimita 21-27 20  
**Ooratta Hanotan Ufayttiyo Ogiyaa**

**Ammanuwaa—Nuuni Minnanaadan  
Maaddiya Eeshshaa 26**

**Xammaqiya Yohaannisa—Ufayttiiddi  
De'anaadan Nuna Maaddiya Leemisuwaa 29**

[Ha xuufee bayzettiyaaba gidenna. Kumetta sa'an Geeshsha Maxaafaa tamarissanawu giigissiyooabaappe issuwaa; he oosoy asay ba dosan immiyo miishshan oosettes. Miishsha immanawu koyikko, donate.jw.org xomoosa.](#)

Hara qonccisoy imettana xayikko, xiqiseti Wolayttatto Geeshsha Maxaafaappe ekkettidosona. “NW” giyaagee, xiqisee *Ooratta Alamiyaa Geeshsha Maxaafaappe* ekkettidoogaa bessees.

*The Watchtower* (ISSN 0043-1087) August 2019  
© 2019 Watch Tower Bible and Tract Society of Pennsylvania.  
Printed in Germany.  
© Druck und Verlag: Wachturm Bibel- und Traktat-Gesellschaft, Selters/Ts.,  
V. i. S. d. P. Manfred Steffensdorfer, Selters/Ts.

JW LIBRARY GIDDOONINNE  
JW.ORG SAYTIYAN DE'YAAABATA

SO ASAA MAADDIYAABAA

### **Ushshaa Xeelliyaaagan Naatuura Haasayiyoogaa**

Yelidaageeti ushshaa xeelliyaaagan bantta naatuura awude, qassi waatidi haasayana koshshii?

Amaarattuwan, AQO DE'UWAA & SO ASAA >NAATA DICHCHIYOOGAA giyaagaa xeella.

HAGAA GIIGISSIDAY DE'II?

### **Paylet Wel Giyo Molee Ba Gogaa Waati Geeshshiyaakko**

Saynttisteti paylet wel giyo moliyaa gogaa milatiyaabaa medhdhanawu halchchiyoy aybissee?

Amaarattuwan, SAYNISIYAA & GEESHSHA MAXAAFAA >GIIGISSIDAY DE'II? giyaagaa xeella.

### **KOYRO SINTTAA MISILIYAA:**

PHawuloosi Roomen qashuwan de'iiddi, Piliphphisiyuusa gubaa'iyawu dabddaabbiyaa xaafiis. PHawuloosi he wode, bana naagiya wotaaddaratussinne oychchanawu yiyaageetussi markattanawu danddayiyo hanotaakka loyttidi go'ettiis. (Xanna'iyo huuphe yohuwaa 32, mentto 16 xeella)

[jw.org®](#) weysaytiya xomoosa woy kooddiyaa nabbabissa



w19.08-AWL  
190424